



**Zwo Predigten, D. Mart. Luther Auff der Kindertauffe des  
Jungen Herrlein Bernhards, Fürsten Johansen von Anhalt  
Son. In gegenwertigkeit desselben Brüdern, vnd des  
Bischoffs von Brandenburg. Zu Dessaw, Dornstags vnd  
Freitags in Ostern geschehen. ,**

<https://hdl.handle.net/1874/433636>

2

**Zwo Predigten/  
D. Mart. Luther  
Auff der Kindertauffe des  
Jungen Herrlein Bernhards / Für-  
sten Johansen von Anhalt Son. In  
gegenwertigkeit desselben Brüdern/  
vnd des Bischoffs von Brandenburg.  
Zu Dessaw / Dornstags vnd  
Freitags in Ostern ge-  
sehen.**

**Item / Ein Schön-  
ne Sermon am folgenden  
Sontag / Quali modo geniti. D.  
Mart. Luth. vber den Spruch Joh.  
am .20. Gleich wie mich der Vater  
gesand hat / So sende ich  
ench ꝛc.**

**Wittenberg**

M, D, XL.

Das Buch

der

...

...

...

...

...

...

...

...

...

...

# Zwo Predigten / D.

Mart. Luth. Auff der Kinder-  
tauffe des Jungen Herrlein Bernhards/  
Fürsten Johansen von Anhalt Son. In ge-  
genwertigkeit / desselben Brüdern / vnd des Bi-  
schoffs von Brandenburg. Zu Dessau /  
Dornstags vnd Freitags in Ostern  
geschehen. Anno

1540.



eil wir zusammen ko-  
men sind / zur heiligen Tauffe / so  
wollen wir derselbigen auch eine  
Glocken lenten / das ist / von die-  
sem heiligen Sacrament etwas  
reden / Gott zu lobe / vnd vns zur  
vnterrichtung / Vnd fur vns neh-  
men das dritte Cap. Matthei / von der Tauffe  
Johannis vnd Christi.

## III. Cap. Matthei.



Vder zeit kam Johan-  
nes der Teuffer / vnd prediget in  
der wüsten des Jüdischen lands /  
vnd sprach / Thut busse / Das Himmelreich ist  
A ij nahe

nabe erbey komen. Vnd er ist der / von dem  
der Prophet Isaias gesagt hat / vnd gespro-  
chen / Es ist ein ruffende Stimme in der wü-  
sten / Bereitet dem HERRN den weg / vnd  
machet richtig seine steige.

Er aber Johannes hatte ein Kleid von  
Kameel haren / vnd einen ledtern Gürtel  
vmb seine lenden / Seine speise war Her-  
schrecken vnd Wildhonig. Da gieng hin-  
aus zu im die Stad Jerusalem / vnd das  
ganke Jüdischeland / vnd alle Lender an  
dem Jordan / vnd lieffen sich teuffen von  
im im Jordan / vnd bekanten ire sünde.

Als er nu viel Phariseer vnd Saduce-  
er sahe zu seiner Tauffe komen / sprach er zu  
inen / Ir ottern gezichte / wer hat denn euch  
geweiset / das jr dem künfftigen zorn entrin-  
nen werdet ? Sehet zu / thut rechtschaffene  
frucht der busse. Dencket nur nicht / das jr  
bey euch wolt sagen / Wir haben Abraham  
zum Vater. Ich sage euch / Gott vermag  
dem Abraham aus diesen steinen Kinder er-  
wecken. Es ist schon die Art den baumen an  
die wurzel gelegt / Darumb / welcher baum  
nicht gute Frucht bringet / wird abgehawen /  
vnd ins feur geworffen.

Ich

# Erste predig

Ich teuffe euch mit wasser zur busse/ Der  
aber nach mir kompt / ist stercker denn ich/  
dem ich auch nicht gungsam bin / seine schuch  
zu tragen / Der wird euch mit dem Heiligen  
Geist vnd mit feur teuffen. Vnd er hat seine  
worffschauffel in der hand / er wird seine Ten  
ne fegen / vnd den Weizen in seine schewnen  
samlen / Aber die sprew wird er verbrennen  
mit ewigem feur.



**As ist der Text / den**  
man predigen / vnd dem Christ  
lichen Volck vleissig furhalten  
vnd einbilden solt / es darauß  
lernen vnd vnterrichten / wo her  
die Tauffe kome / wer sie einge  
setzt vnd gestuffet habe / Aufß  
das man sie vmb des Sifters willen / deste  
höher vnd herrlicher halte vnd preise. Erstlich  
wollen wir von der Tauffe Johannis reden.

**Die Tauffe Johannis ist eben so wol von**  
Gott eingesetzt vnd bestetigt / als hernach die  
Tauffe Christi. Denn **Luca 3.** stehet also ge  
schrieben / **Der befelß Gottes geschach zu Jo**  
**hannen / Zacharie Son / in der wüsten &c. Vnd**  
**Johan. 1. Der mich sandte zu teuffen mit was**  
**ser &c. Sonst hette es im nicht gebürt etwas**  
**newes fur zu nemen im volck Israel / welches**

**A ij. beide mit**

*Tauffe Ioannis vom  
wem die eingesetzt*

*Befehl der tauf  
Ioannis*



## Erste predige

Dampft weren/ vmb der sünde willen / Vnd nichts hatten das jnen helffen kunde/ weder Beschneitung noch Gesetz/ welcher keines darumb gegeben war / das sie dadurch solten oder kundten gerecht werden / Denn je stercker Moses sein Ampt treibt/ je grosser vnd mechtiger die sünde wird.

**A**uch kam Johannes eben zu der zeit/ da sie vber ire angeborne sünde/ auch diese theten/ Das sie sich nicht allein des brüsteten vnd erhuben / das sie Abrahams samen waren / sondern auch gerecht vnd heilig gerühmt wolten sein/ das sie Gottes volck hiessen/ vnd beschnitten waren/ den Sabbath vnd Gottesdienst hielten. **Sonderlich** aber wolten die **Pharisæer der Kern vnd Ausbund** in diesem volck sein/ weil sie ein ensserlich streng heilig leben füreten/ vnd fur andern etwas sonderlichs theten/ das sie jnen selbs aus guter meinung vnd eigener andacht erwelet hatten / **Fast wie bey vns die Mönche.** Solcher wahn vnd vermessenheit machte/ das sie ire grenliche sünde/ wie alle **Deuchler vnd werckheiligen thun**/ aus irem sinn vnd hertzen schlugen / ja fur grosse heiligkeit hielten vnd verteidigten / vnd hernach **Christum vnd die Apostel** drüber verfolgeten vnd erwurgeten / da sie sie drumb straffeten / **Weineten** dazu/ sie theten wol dran/ vnd **Gott einen sonderlichen Dienst** zc.

Zu solchena

17

¶ Zu solchem volck kompt Johannes / vnd prediget jnen / das sie Busse thun / oder sollen wissen / das sie verdampt seien / wenn sie noch einst Abrahams Kinder vnd Gottes volck hieszen. Sonderlich aber spricht er den Pharisaeern vnd Saduceern hart zu / da er sie auch sibet zu seiner Tauffe komen / die ein gros ansehen hatten / weil sie die Obersten vnd Regenten im volck waren / ob wol diese Epicurer / die nichts glaubten / Jene aber Wenchler waren / die ernstlich ein Onstrefflich leben füreten / vnd mit solchem schein der Weiligkeit / das gemeine Volck verführten / das nicht anders wusten / denn sie weren Frome trewe Dirten / die ire Werde recht weideten / vnd den weg zur seligkeit weisen. Darumb schilt er sie auch so hefftig / heisst sie Schlangen vnd Gifftige würm / wo die andern schlecht Frösche vnd Unzifer sind.

¶ Zu dem nimpt er jnen auch ir wehrwort / damit sie sich gar herrlich rhümen vnd schmücken kunden / Wir sind ( sagten sie ) Gottes Volck / das er im fur allen volckern auff Erden anssertorn / vnd die Beschneitung gegeben hat / So haben vnd halten wir das Gesetz / besuchen Gottes Tempel zu Jerusalem / vnd vben vns in dem heiligen Dienst / den Gott selbst gestift hat. In summa / wir gehen einher in Geisilichen vnd Weltlichen Regiment / wie beides durch Mosen / aus Gottes befehl / gefasset vnd

## Erste predige

fasset vnd geordnet ist/ Sind dazu vom geblüt  
vnd stam der heiligen Patriarchen/ Abraham  
ist vnser Vater zc. Was kan vns denn feilen/  
das wir nicht solten from vnd heilig/ Gott lieb  
vnd angenehme sein/ vnd selig werden?

Dis alles (spricht er) thut nichts zur sa-  
che/ Denn Gott fragt nichts darnach/ das jr  
viel vnd hoch zu rühmen wisset/ vom Gesetz/  
Tempel/ Vettern zc. Er wil das jr in fürchtet  
vnd seiner Verheissung gienbet/ Dem gehor-  
chet vnd annemet/ den er euch verheissen hat/  
vnd nu sendet. Wo nicht/ so wird er euch/ mit  
alle ewer herrligkeit/ da mit er euch selbs bis-  
her/ für alle Völcker/ begabt vnd geziert hat/  
verwerffen vnd ausrotten. Wird wol sehen/  
wie er jm ein ander Volck/ an ewer stat erwe-  
cke. Ja ich/ sage euch/ Er vermag aus diesen  
Steinen/ die alhie in der wüsten zerstreuet (als  
der niemand achtet) liegen/ dem Abraham ein-  
der zu erwecken/ Das ist/ aus Weiden/ die jr für  
veracht verworffen leute/ vnd verdampfte Sun-  
der/ den Steinen gleich/ haltet/ weil sie vnbe-  
schnitten sind zc. Kan er jm ein Volck erweken  
vnd annemen zc.

¶ Vnd ob jr gleich fürwendet/ es sey vns  
müglich/ Denn Gott habe mit Abraham ei-  
nen Bund auffgericht/ das er wolle ewiglich  
sein/ vnd seins Samens nach jm/ Gott sein/  
Gene. 17. So hilffts euch doch nichts. Denn  
die zeit ist nu furhanden/ da Mose regiment/  
B mit alle

mit aller seiner Derrligkeit / auff hören vnd sein  
endschafft haben mus. Welches auch der mein-  
nung von Gott nicht gestiftet ist / das ewig  
weren vnd bleiben solt / Sondern ein zeit lang /  
nemlich / bis auff Christum. Wenn der Keme /  
solt Mose der Knecht weichen / vnd seinem  
D<sup>E</sup>R<sup>R</sup> raum geben. Wie er selbs geweissagt  
hat / Deute. 18. Einen Propheten / wie mich /  
wird der D<sup>E</sup>R<sup>R</sup> dein Gott dir erwecken /  
D<sup>E</sup>M solt jr gehorchen &c.

Nu solt jr aber wissen / das Christus / der  
D<sup>E</sup>R<sup>R</sup> / der Abraham verheissen / nahe ist /  
Ja er ist bereit mitten vnter euch / vnd kennet jr  
doch nicht / Der wird das anrichten vnd ge-  
ben / so Gott Abrahe verheissen hat / nemlich /  
alle welt segenen / das ist / von sünde vnd tod  
erlösen / vnd gerecht vnd selig machen. Er wird  
Mose regiment auff heben / vnd ein ander lere  
vnd Gottesdienst bringen vnd stifften / denn  
bisher gewesen ist / Wird die Leute nicht zwin-  
gen zur Beschneitung / noch dringen (wie Mo-  
ses) das Gesetze zu halten &c. Sondern predi-  
gen wird er lassen / Bussē vnd vergebung der  
sünden in seinem Namen / vnd wird euch mit  
dem heiligen Geist vnd feur teuffen.

Vnd so irs wissen wolt / so bin eben ich  
die ruffende Stimm / vnd der Engel / für dem  
D<sup>E</sup>R<sup>R</sup> her gesand / der euch verkündigen  
sol / das jr im / dem D<sup>E</sup>R<sup>R</sup> / der mir auffm  
fusse folget / den weg bereiten solt. So thut mir  
beseit als

## Erste Predige

beseit alles was seinen weg hindern mag. Leg  
get abe/ beide die groben offentlichen / fur al  
len dingen aber/ die geistlichen sunde/ die ein  
schein der heiligkeit haben/welche in am meis  
ten verhindern/das er zu euch nicht mag kom  
men/Vnd nemet in mit freuden auff/ gehor  
chet vnd glenbet an in / vnd lasst euch teuffen.  
Thut irs/ so seid ir fur Gott gesegenet/habt ver  
gebung der sunden/seid nu warhafftig Gottes  
Volck vnd rechte kinder Abrahe/hellig vnd sel  
lig.

¶ Lasst ir euch aber nicht sagen / sondern  
wolt auff ewrm alten wesen stehen vnd behar  
ren / So wirlds bald mit euch ans sein/Denn  
die zeit ist er bey komen/da der schöne herrliche  
Bawm/den Gott selbs gepflantz hat ( das  
ist:/ Ir sampt ewrm Königreich vnd Priester  
thum/auffs schönste gefasst vnd geordnet) sol  
abgehawen werden / vnd also abgehawen /  
das er ins feur geworffen werde. Vnd solchs  
wird eher geschehen/denn ir euchs versehet/  
Denn die Art ligt nicht vnter der banck/henge  
auch nicht an der wand / sondern sie ist dem  
Bawm bereit an die Wurtzel gelegt zc.

¶ Auch so ist der Man von dem ich zeuge / vnd  
euch zu im weise/nicht so schwach vnd veracht  
lich /als ir in ansehen werdet. Ja ich sage euch/  
Er ist stercker denn ich/Auch so gros vnd heil  
ig/das ich nicht werd bin /in die Riemen sei  
ner schuch auffzulösen/Denn er ist der DERR  
B ij selbs.

selbs. Nu er kömpt mit gnaden zu euch / das er  
euch helffe aus aller not / gerecht vnd selig ma-  
che. Nemet jr in an / wol euch. Wo nicht / So  
wird ers kurtz mit euch ausmachen.

¶ Denn er hat bereit die Worffschauffel in  
seiner Hand / vnd wil euch / die jr auff seiner  
Tennen ligt / vnd wie jr rhümet / allein in seine  
Scheune gehört / worffeln vnd fegen / Vnd  
wird den Weitzen / das ist / die fromen vnter  
euch / so gehorchen / von der Sprew abson-  
dern / vnd in seine Scheune samlen. Die Sprew  
aber / das ist / den grossen Gottlosen hauffen /  
der verstockt bleibt / vnd jm nicht sagen leßt /  
wird er anstecken / vnd mit ewigem feur ver-  
brennen.

¶ Das ist so viel gesagt / Wolt jr verge-  
bung der sünden erlangen / vnd fur Gott ge-  
recht vnd selig werden / vnd also dem künfftig-  
en zorn entrinnen / So thut Busse / lasst euch  
teuffen / vnd gleubt an den / von dem ich zeuge /  
Der istz allein / der die sünde vergibt / mit dem  
heiligen Geist teuffet / gerechtigkeit / leben vnd  
seligkeit bringet zc. Die zu hülffe nichts / Abra-  
hams samen vnd beschnitten sein / den namen  
Gottes volcks führen. Darumb besinnet euch  
nicht lang ob jr sunder seid / sondern bekennet  
mit rechtem ernst / das jr vber die ohrn in sün-  
den steckt / vnd hülffe bedürfftet / vnd von her-  
tzen der selben auch begeret vnd sucht / da-  
mit euch müge geraten vnd geholffen werden.  
Vnd soche

## Erste predig

¶ Vnd solche hülffe (spricht er) ist bereit für  
handen/ Denn ich bin gesand/ euch zu predi-  
gen/ nicht von einer Tauffe/ die allein des flei-  
sches vnflut abweschet ( der gleichen viel vnd  
mancherley im Gesetze Mosi geboten sind )  
Sondern von einer solchen Tauff/ die da sol hei-  
ssen vnd sein/ eine Tauffe der Busse/ zur verge-  
bung der sünden. Darumb wolt jr solcher hülff  
fe teilhafftig sein/ so thut busse/ bekennet ewer  
sünde vnd lasse euch tauffen zur vergebung der  
sünden zc. Bleibt jr aber auff dem wahn ste-  
hen/ das jr für euch selber from vnd heilig seid/  
vmb der Beschneitung / Gesetzes vnd Gottes-  
dienstes willen / so euch zu halten befolhen  
sind/ so ist alle hülffe vnd rat an euch verloren.

¶ Also müssen auch wir zu vnsern Leuten  
sagen/ Es thuts nicht/ lieber Mensch/ das du  
gedenckest/ du wollest dich hart angreifen/ ein  
Carthuser werden/ oder sonst ein schweren Or-  
den annemen/ vnd deinem leib vnd leben/ mit  
wachen/ beten/ fasten zc. wehthun/ So werde  
Gott solche harte busse/ vnd blutpeitzschen an-  
sehen/ dir deine sünde dafür vergeben / vnd in  
Himmel nemen / Du irrest vnd betreügest dich  
selbs. Es ist viel zu gering dazu/ das dein vnd al-  
ler Menschen thun / es sey was/ vnd heisse wie  
es wolle. Denn von sünden los vnd gerecht zu  
werden/ mus durch eine ander weise zugehen /  
nemlich/ das sie dir aus lauter gnade Gottes/

Umb Christus willen/vergeben werden/Soltu nu Gotteszorn vnd der ewigen straffe erkennen/die du durch deine sünde verdienet hast/so mustu durch die weise vnd sonst durch kein andere dazu komen.

¶ So heisset nu Busse thun/das der Mensch wisse/vnd von hertzen bekenne/das er/wie die Schrifft sagt/in sünden empfangen vnd geborn/vnd darumb ein Kind des zorns von natur sey/des ewigen tods vnd verdammis schuldig. Vnd das alhie alle werck verloren sind/vnd machen vbel nur erger/weil man das mit gedencet auszurichten/das allein Christo/dem einigen Mittler zwischen Gott vnd dem Menschen/zustehet/der sich selbs für vns alle geopffert hat/das wir vergebung der sünden durch in hetten. Glenbstu das/so hastu sie/Wo nicht/so wirstu jr nimer mehr los/wenn du dich gleich zu tod marterste. Denn es heisset vergebung/nicht bezalung der sünden/ein Geschenck nicht verdienst. Was dir aber Gott aus lauter gnade/vmb Christus willen schencket/das kanstu arm Madensack/im nicht bezalen/abkenffen oder abdieneu/Das meinet Lucas/da er spricht/Johannes habe geprediget die Tauff der Busse zur vergebung der sünden.

¶ Also stößet S. Johannes mit seiner Predigt vnd Tauffe/das Gesetz Mosis/mit seinem Gottesdienst nider/als das die sünde nicht kunde wegnemen/noch das Gewissen reinigen vnd für Gott

## Erste predige

für Gott zu frieden stellen / dazu es auch nicht  
gegeben ist / Sondern das es die sünde offenba-  
re / vnd wens das hertz recht rüret vnd trifft /  
nur grosser vnd mechtiger macht / dem Men-  
schen sein verdammnis anzeige / vnd also eitel zorn  
anrichte. Auch schilt er die Jüden / nicht allein  
als Ubertretter des Gesetzes / die nie das meist  
oder das geringst daran gehalten haben / Son-  
dern auch als die gar nichts dauon verstehen /  
Denn sie stunden auff dem wahn / wenn sie  
das Gesetz vnd Gottesdienst eusserlich hielten /  
viel schlachten vnd opfferten / so werens from  
vnd heilig / den Gott den Himel musste geben /  
das war des Gesetzes meinung nicht.

1) Diesen iren irthum / falschen wahn vnd  
vermessheit / straffet er hart / vnd macht die  
grossen Weiligen zu verdampften Sunder / vnd  
spricht / Sie sollen Busse thun / ire sünde beken-  
nen / vnd sich teuffen lassen / zur vergebung der  
sünden / Vnd glenben an den / der im bald fol-  
gen werde / welcher mit dem heiligen Geist vnd  
feur teuffe. Sol er aber zu inen komen / so mü-  
sten sie jr falsch vertrauen / hohmut vnd ver-  
messheit lassen faren / Sonst künde er mit sei-  
ner gnade vnd hulffe zu inen nicht komen.

1) Als rumpelt vnd rumort auch itzt / das  
Euangelium vnter Clöster / Stiff vnd das gan-  
tze Bapstum / vnd spricht. Wolt jr dem künfftig-  
gen zorn entrinnen / so thut rechtschaffene früch-  
te der busse. Bedenckt nur nicht / das damit aus-  
gericht

153

gericht sey / das jr euchs last sawr werden (ich rede von den besten) lebt / esset vnd geberdet nicht wie ander Lente / haltet keuscheit / trage harte kleider / singet / betet / wachet / fastet viel / Ist eitel vergeben vnd verloren erbeit / Denn euch hats weder Gott geboten noch befolhen / Ja jr selbs habts erwelet / on / vnd wider sein wort vnd befelh.

**¶** Darumb lasset entweder die vermessenheit vnd trawen auff ewr eigen gerechtigkeit faren / kriecht zum Creutz / vnd erkennet euch von hertzen für arme vnd verdampfte Sunder / die jnen selbs nicht helffen können. Vnd gienbet an Christum Gottes Lamb / der ewr vnd aller welt sünde tregt / dafür gestorben ist vnd gnug gethan / vnd tröstet euch das jr auff seinen Namen getaufft seid / vnd in der Tauffe in / mit alle seinen Gütern angezogen habt. Oder aber höret das schrecklich vrteil ober ewrn hals / das jr Ottern gezeit vnd böse giftige würm seid / die mit Irden / Cappen / Platten / Messen / vnd was des ströern Darnisch mehr ist / da mit jr gedencet den Teuffel zu schlagen / in abgrund der hellen sollet verstoffen werden / vnd in ewigem feur daselbs brennen.

**¶** Sie wollen vnd können aber schlechts nicht hören (so wenig als zu jener zeit die Jüden) das sie Sunder vnd verdampft / Viel weniger / das sie Schlangen vnd giftige Würm solten sein / die beide sich / vnd alle / so jnen folgen / mit irer fals

## Erste Predige

irer falschen lere vergiffen / vnd zur verdammis  
helffen. Ursach / Sie haben bisher / den namen  
vnd rhum bey aller welt gehabt (wie die Phari  
seer bey den Jiden) das sie heilige Leute we  
ren / die im geistlichen vollkomen Stand lebten /  
darin sie der guten werck vnd verdienst so viel  
kunden samlen / das sie jr fur ire Person nirgend  
alle bedürfften / vnd die vbrigen den gemeinen  
Christen (die sie Leien vnd weltliche Leute hiez  
ssen) mochten mitteilen / vnd damit auch inen  
den Himel verdienen / Denn sie gaben für /  
weill die Leien mit der Hausforgen vnd andern  
Geschefften beladen / weren sie in eim vnseiligen  
Stand / darin sie Gott nicht kunden dienen.

¶ Solches hat die welt gienbet / inen ire vbrige  
verdienst abgekauft / vnd dafür nicht allein  
kuchen vnd keller reichlich gefüllet / sondern mit  
hauffen geben / So lang bis inen Lande vnd  
Leute eingereumbt / vnd grosse Herrn ( mechti  
gen Fürsten vnd Königen gleich ) worden sind /  
vnd das beste teil der Christenheit innen ha  
ben / Doch vnter dem schein / wie gesagt / das  
sie das geistliche aufferwelete Volck seien / so die  
andern gegen Gott verbitten vnd gen Himel  
helffen zc. Daben also an stat / des heiligen  
Euangelij vnd der Sacrament Christi / ire er  
stunckene lügen / von Tappen / Platten / Segfeur  
Weilig anruffen / walfarten zc. in alle welt aus  
geruffen / vnd endlich dahin gebracht / das der  
glaube an Christum gar verloschen / vnd die lies  
C be Tauffe

be Tauffe den Christen nicht allein aller ding  
vnbekand ist worden / sondern sie haben auch  
nicht anders gewußt / sie sey kein nutz mehr  
wenn der Mensch in sunden felle / Daben also  
viel ein gewolichern Muß in der Christenheit  
angericht / denn die Phariseer vnd Schrifftge  
lerten im Jüdischen volck.

**N**u aber das heilige Euangelium jr lester  
liche lügen vnd gewel offenbaret vnd straffet /  
vnd jnen / wo sie nicht busse thun / mit dem ewi  
gen hellischen feur dreyet / keret sie sich nichts  
dran / ja verachtens sicher. Jaren vber das zu / le  
stern vnd verdammen die liebe warheit / verbren  
nen vnd erwürgen / so viel an jnen ist / alle die dar  
an halten. Vnter stehen sich dazu / jr Teuffels  
lere nicht allein mit gewalt zu erhalten / sondern  
für recht vnd Göttlich zuverteidigen. Wissen  
gar herrlich noch da zu zu rhümen (wie zu Chri  
stus zeiten die verstockten Jüden) sie sein Gottes  
volck vnd die rechte Kirchen / Vnd schreien Jes  
ter vber vns / als vber Ertzketzer vnd ergste  
Feinde der Kirchen / geben vns schulde / wir ver  
bieten gute werck / zerrütten alle feine Orde  
nung / zertrennen die einigkeit der Christenheit /  
vnd zerstören die schönen Gottesdienst zc.

**W**ol an / wie sol man dem thun / Sie sind  
die ersten nicht / die Gottes wort lestern vnd sei  
ne Diener verfolgen. Wir predigen eben das /  
so Johannes den Jüden gepredigt hat / Man  
solle busse thun / vnd wolle man der sunden los  
werden.

# Erste Predig

werden / so sol man an Christum glauben / vnd  
sich teuffen lassen zc. Johannes muste sich drü-  
ber schelten vnd lestern lassen / Er hette den  
Teuffel / was er redte were erlogen zc. Drumb  
ists kein wunder / ob wir itzt der gleichen auch  
hören müssen. Aber bald hernach find sichs /  
wer recht hatte / Die Johannes predigt glaub-  
ten / vnd sich lieffen teuffen / Christum annamen  
vnd an in glaubten / die waren für Gott die rech-  
te Kirche / aus welcher hernach das Euangeli-  
um in alle welt gepflantzet / vnd ausgebreitet  
ward. Der ander blind verstockt grosse Dau-  
ffe / der nicht hören / noch die zeit irer heimsuch-  
ung erkennen wolt / sondern mit gewalt des Ge-  
setzts regiment erhalten / der muste zu grund vnd  
boden gehen (wie Johannes gedrewet hatte)  
mit Gesetz / tempel / Gottesdienst / Königreich / vñ  
Priesterthum. Die Römer kamen / waren vnfers  
Herr Gottes art / hieben den Baum vmb / vnd  
zündeten die Spreu an / da der weitzen ausge-  
droschen vnd in die Scheune gesamlet war zc.  
Nu hat Gott seines eignen volcks nicht verschonet /  
das er jm selbs zum Eigenthum auserkoren / sein wort  
vertrawet / jr Königreich vnd Priesterthum gestiftet  
hatte / vñ von Abrahams zeiten bis auff Christum / so  
wunderbarlich vber inen gehalten / vñ wider aller Zei-  
den bittern has / wilten vñ toben geschützet / Welche  
dazu vñ hohen heiligen Leuten / denen Christus verhei-  
ssen war / jr ankunfft hatten / Aus welchen auch die tref-  
lichsten heiligsten Leute ( Patriarchen / Propheten /  
Könige / Apostel etc. ) so je auff Erden gelebt / her-  
C ij komen

genuß alle  
Komen sind/ vnd Christus der Herr selbs/  
nach dem fleisch/Sondern hat so ein schreck-  
lich Urteil vber sie lassen gehen/da sie Christum  
nicht annemen wolten. Viel weniger wird er  
vnser schonen/die wir Weiden sind/ vnd solch  
ehr vnd vorteil nicht haben/ Wo wir Johans-  
nis Zeugnis vnd predigt/die itzt vor der andern  
vnd letzten zukunfft Christi wider auffm Plan  
ist/vnd getrost ruffet/Thut busse zc. nicht an-  
nemen vnd gleben werden.

¶ So schuldiget vnd verdampt nu die Pre-  
digt von der Busse für Gott / alle welt / nicht  
allein die da öffentlich Sunder sind / sondern  
viel mehr die from vnd heilig wollen sein / vmb  
jrer werck vnd eigen gerechtigkeit willen / Sagt  
allen Menschen zu gleich / niemand ausgeschlo-  
ssen / er sey Phariseer / Schriftgelerter / Prie-  
ster / Leuit zc. Papst / Cardinal / Bischoff /  
Mönch / Pfaff / Geistlich oder Ley zc. das sie  
sollen Busse thun / vnd wissen / das alle jr thun  
vnd leben für Gott / nichts tang / ja eitel sünde  
ist / vnd müssen anders werden. Darans ist  
leichtlich zu mercken / das Busse nicht sein oder  
heissen kan / wenn ich durch mein werck für die  
sünde gungthun vnd bezalen wil (wie die Papi-  
sten von der Busse leren) Denn weil ich ein  
Sunder / vnd kind des Jorns von natur bin /  
wie die Schrift sagt / werde ich sünde mit sün-  
denicht tilgen / sondern jr nur mehr machen.

¶ Das heisst aber Busse / wenn ich Gottes  
wort

## Erste predige

wort glaube / das mir anzeiget vnd verklaget mich / das ich für Gott ein Sunder vnd verdampft sey / vñ dafür von hertzen erschrecke / das ich meinem Gott je vnd je vngesam bin gewesen / seine Gebot nie recht angesehen noch betracht / viel weniger das größte oder kleinste gehalten habe. Doch nicht verzweifel / sondern mich zu Christo lasse weisen / gnade vnd hilffte bey ihm zu suchen / vnd auch feste glaube / ich werde finden. Denn er ist Gottes Lamb / von ewigkeit dazu versehen / das er aller welt sünde tragen / vnd durch sein tod bezahlen sol. Also thut Johannes beides / Zeigt vns allen an erstlich / durch sein Predigt / vnser verderben / Darnach auch wo wir hilffte sollen finden.

¶ Vnd solche Predigt gehet on fruchte nicht abe / Sie findet alle zeit Schüler / die dadurch bekeret vnd gebessert werden. Denn der Euangelist Matthens saget / Das viel Volcks aus allen umbligenden Stedten vnd Lendern zu Johannen in die wüsten komen sey / habe sich von ihm lassen tauffen im Jordan / vnd ire sünde bekennet. Wie auch S. Lucas cap. 7. meldet vnd spricht / Alles volck das Johannen hörete / vnd die Jölner / gaben Gott recht / das ist / Sie gienbten seinem wort das jnen Johannes prediget / das sie Sunder vnd verdampft weren &c.

¶ Die Phariseer aber vnd Schriftgelerten / (spricht S. Lucas weiter) verachteten Gottes

rat/ wider sich selbs/ vnd liessen sich nicht von  
im teuffen/ Denn sie stunden darauff/ Sie wes  
renvorhin from vnd heilig gnug/drumb gieng  
sie Johannes predigt nichts an / Ja sie liessen  
sich däncken/sie wüßens vorhin viel besser denn  
er ins künd sagen. Darumb verachten sie Got  
tes rat/den er beschlossen vnd befolhen hatte  
zu verkündigen / das sie solten solche Predigt  
vnd tauffe Johannis annemen/ vnd auff diese  
vnd kein ander weise vergebung der sünden er  
langen vnd selig werden/denn/ das sie Buss  
thun vnd sich lassen teuffen / im glauben auff  
Christum(den Johannes verkündigte) zur ver  
gebung der sünden.

**I**n dem nu Johannes so prediget vnd  
teuffet (sagt S. Matthens weiter) ko  
met Ihesus aus Galilea/an den Jor  
dan zu im / vnd begert der Tauffe.  
Das ist ja wunderlich umbgekert/ Die Phari  
seer vnd Schriftgelerten/die voller sünde vnd  
verdammnis sind/die wollen keine sünde haben/  
von keiner Buss wissen/noch sich teuffen las  
sen. Dagegen Christus/der on alle sünde ist/  
vnd den Keim vnd Titel allein füret/das er nie  
kein sünde gethan hat/vnd alle seine wort vnd  
werck vnstrefflich/ja heilig vnd heilsam sind/  
Darumb er keiner Buss/Tauffe noch verge  
bung der sünde bedarff/der kömpt vnd begert  
von Johanne seinem Diener getaufft werden.

Die ans

# Erste predig

Die andern alle sind in sunden empfangen/ ge-  
boren vnd leben drinn/ drumb solten sie billich  
bussē thun / vnd sich lassen teuſſen/ vnd Johan-  
nes iſt auch vmb irent willen da. Noch sind jr  
viel / ſonderlich die Phariſeer vnd Schriffteges-  
lerten ( wie geſagt ) die nicht wollen/ Vnd der  
vnſchuldig vnd heilig iſt/ der thuts.

¶ Warumb kompt er aber zur Tauffe/ ſo  
doch keine ſunde vnd vnreinigkeit an jm iſt/ wet-  
che die Tauffe wegnemen ſol? Das wil ein ſe-  
lige Tauffe werden. Johannes kriegt alhie  
ein Sünder/ der keine ſund für ſein Perſon hat /  
vnd iſt doch der größte Sünder/ der aller Welt  
ſunde hat vnd tregt. Darumb er ſich auch  
leſt teuſſen/ vnd bekennet mit ſolcher that/ das  
er ein Sünder ſey. Aber nicht für ſich / ſon-  
dern für vns/ Denn er tritt alhie in meine vnd  
deine Perſon/ vnd ſtehet an vnſer aller ſtat/ die  
da Sünder ſind/ Vnd weil alle/ ſonderlich die  
hoffertigen Heiligen / nicht wollen Sünder  
ſein/ ſo muſ er für alle ein Sünder werden/  
Nimpt an die geſtalt des ſündlichen Fleiſches/  
vnd klaget wie viel Pſalmen zeugen/ am Creutz/  
in ſeinem leiden / vber die Laſt der ſunden die er  
tregt vnd ſpricht/ Pſal. 40. Meine ſunde ha-  
ben mich ergriffen/ das ich nicht ſehen kan/  
Ir iſt mehr denn har auff meinem heubt. Vnd  
Pſal. 41. DERRE ſey mir gnedig/ Weile mei-  
ne Seele/ Denn ich habe an dir geſündiget.  
Pſal. 69. Gott du weiſeſt meine torheit/ vnd  
meine

meine schulde sind dir nicht verborgen. Item/  
Die schmach dere die dich schmeihen / fallen  
auff mich. Vnd Psal. 22. Mein Gott/war-  
umb hastu mich verlassen.

In diesen vnd andern Psalmen redet Chri-  
stus in einer sündlichen Person/Wo mit hat er  
denn gesündigt/oder wie kompt er dazu/das  
er ein sunder ist? Also kompt er dazu/wie Jesa-  
ia am 53. von im sagt/Der DEX warff vn-  
ser aller sunde auff in. Denn da wir (spricht  
der Prophet) alle in der irre giengen/wie die  
schaffe/Da fand Gott diesen Kat / nam aller  
Menschen sunde/vnd legt sie im (der allein on  
alle sunde war) auff den Dals. Also wird er  
der grosse/ ja der allergröste/ vnd der einige  
Sunder auff Erden / vnd sonst keiner mehr/  
Denn der Text spricht/Der DEX habe  
auff in geworffen vnser aller sunde.

¶ Weil er nu solcher Sunder worden ist/der  
vnser aller sunde auff im ligend hat / so darff  
er warlich der Tauffe/vnd mus sich lassen tau-  
ffen/zur vergebung der sunden. Nicht für sein  
Person/die vnschuldig vnd vnbesleckt ist/Son-  
dern vmb vnsern willen/welcher sunde er tregt.  
Dieselbigen steckt er in die Tauffe/vnd weschet  
sie von sich/das ist von vns/in welcher Person  
er getretten ist/das sie müssen/in seiner Tauffe  
vntergehen vnd erseuffen.

¶ So ist nu Johannes geordnet/das er die  
Leute zur Tauffe der Busse bringe/ Aber für-  
nemlich

## Erste predig

nemlich vnd am meisten ist sein Ampt dahin gerichtet/das er von Christo zeuge/vnd in teuffe/daher heisst er auch eigentlich vnd warhafftig des **HErrn Christi Teuffer**. Denn so Christus nicht mit vns/ja vmb vnsern willen/ gestaufft were/so sind wir verloren. Weil nu Gott der **HErr** aller Menschen sünde/auff in gelegt hat/das er sie tragen mus/vnd dafur gnugthun/kompt er zu Johanne/lefft sich von im teuffen/mir/dir vnd aller welt zu gut/das er vns von sünden reinige/vnd gerecht vnd selig mache.

¶ Also auch opffert er sich selbs am Creutz/wird ein Sünder vnd Fluch/ So er doch allein der gebenedeiet Samen ist/durch welchem alle welt gesegnet/das ist/von sünde vnd tod erlöset mus werden. Das er aber am Creutz hengeget/zwischen zweien Vbelthetern/denselben gleich gerechnet wird/vnd alda des schmelichen tods stirbt/Das thut er zu gut dem gantzen menschlichen Geschlecht/das ers vom ewigen Fluch erlöse. Ist also beides/der gröste vnd einige Sünder auff Erden/denn Er treget aller welt sünde/Vnd der einige Gerecht vnd Weislig/denn niemand wird fur Gott gerecht vnd heilig/denn durch in.

¶ Also zenget auch Johannes selbs von im/Sihe das ist Gottes Lamb/Das mus ja heilig/rein vnd vnschuldig sein. Was sagt er aber weiter von im? Welches der welt sünde treget.

**D** Treget

Treget er der Welt sünde/ so ist er freilich ein  
 Sunder/ ja allein ein Sunder/ Denn der heilig  
 Geist/ treibt keinen schertz/ wenn er durch den  
 Propheten spricht/ Der HERR warff vnser  
 aller sünde auff In/ Vnd durch Johannem/  
Sihe das ist Gottes Lamb/ welches der welt  
 sünde treget. Wer nu solchs gleybet/ das auff  
 dem lieben HERRN/ sein vnd aller Welt sünde  
 liegen/ vnd habe sich darumb lassen teuffen/  
 ans Creutz schlagen/ vnd alda/ fur vns/ sein  
 tewer blut vergossen/ Auff das er/ der einige  
 Sündentreyer vnd Busser/ vns also von sün-  
 den reiniget vnd from vnd selig machte/ der hat  
 vergebung der sünden vnd das ewige Leben/  
 vnd Christus Tauffe/ Creutz vnd Blut wird  
 sein eigen/ Denn weil er für sich rein vnd vn-  
 schuldig ist/ hette ers wol vberhaben können  
 sein/ das er sich weder teuffen noch creutzigen  
 hette lassen. Nu aber hat er damit dem gantzen  
 menschlichen Geschlecht gedienet. Wers gley-  
 bet der hats.

¶ So ist nu (sage ich) S. Johannes/ der En-  
 gel / dauon Malachias geweissaget hat / fur  
 dem HERRN her gesand/ das er von im zeugen/  
 vnd in teuffen sol. Auff das wir durch solche  
 seine Tauffe von sünden rein würden. Vnd wel-  
 che sich also von Johanne haben lassen teuffen  
 auff Christum/ der im balde folgen würde/  
 vnd alle Welt segenen/ die sind selig worden.  
Wie denn von anfang der Welt alle Heiligen/  
 durch

## Erfte predig

durch den selben glauben/das sie durch Chri-  
stum von sunden gewaschen vnd gereiniget sol-  
ten werden/erlöset vnd selig sind worden.

¶ Von solchem wasschen vnd reinigen von  
sunden redet der Prophet David Psal. 51. da  
er spricht/Wassche mich wol von meiner misse-  
that/ Vnd reinige mich von meiner sünde.  
Item/Besprenge mich **DEXX** mit Iopon/  
das ich rein werde/Wassche mich das ich  
schneewis werde. Denn ich erkenne (spricht  
er) meine missethat/Vnd meine sünde ist jmer  
für mir. An dir allein hab ich gesündigt/Vnd  
vbel für dir gethan/das ist/Ich bin für dir nis-  
chts anders/denn ein Sünder/vnd was ich  
thu das ist böse/vnd kan nichts in mir finden/  
das für dir vnschrefflich bestehen künde.

¶ Solchs sage ich darumb/Auff das du/  
**DEXX**/recht behaltest in deinen Worten/  
vnd nicht mögest gestrafft werden/wenn du ge-  
richtet wirst/Das ist/wo ich nicht bekennen  
vnd sagen wolte/das ich für dir nichts denn ein  
Sunder bin/so würde ich dein wort lügenstra-  
ffen/vnd dich verdamnen/wie die Deuchler  
vnd Werckheiligen thun. Darumb wil ich nis-  
cht/jnen gleich/also vermessen sein/vnd sagen/  
Ich sey kein Sünder/Denn das were dich/  
**DEXX**/verleugnet vnd dein vrteil lügende-  
strafft/welches du vber mich gesprochen hast/  
vnd dadurch verdampt alle mein thun vnd we-

D 9 fen. Das

sen. Darumb bekenne ich mich für ein Sünder  
 vnd verdampfen/auff das du recht behaltest/  
 vnd dein wort war/ vnd vnumbgestoffen bleibe/  
 obs wol angefochten vnd verfolget wird/  
 Den die Weichler wollen durch jr eigen werck  
 sich selbs gerecht machen/ vnd jr ding wider  
 Gott mit gewalt hin aus führen/lügenstraffen  
 vnd verdammen also sein wort. Aber es heisst/  
**V**t uincas cum iudicaris, Du solt dennoch für  
 jnen bleiben/endlich recht behalten vnd oblie-  
 gen/vnd sie in jren sünden verderben zc.

¶ **W**ie denn den Jüden geschach/da sie Jo-  
 hannis predigt nicht glauben/nicht buße thun/  
 noch sich teuffen wolten lassen/Sondern ver-  
 achteten Gottes rat/Johannes musste den Teu-  
 ffel haben/vnd was er predigt/von Gottes we-  
 gen/musste vnrecht vnd erlogen sein/Drumb  
 mussten sie drüber gestürtzt werden/zu grund  
 vnd boden gehen/vnd an leib vnd Seele verder-  
 ben/Gott aber behielt recht. Denn was sein  
 wort vnd gericht betrifft/da sol vnd wil er al-  
 lein recht haben. Nu laut sein wort also/das al-  
 le menschen für im Sünder sind/So folget  
 bald das vrteil drauff/das sie auch des tods  
 schuldig sind. Da straffe in nicht/Gib im recht/  
 dir vnrecht.

¶ **W**iltu aber recht haben/so suche es in an-  
 dern sachen/Gehe ins weltlich Regiment/da  
 kanstu wol recht haben/wider deinen Feindt/  
 der dir leide thut/das deine nimpt zc. da magst  
 du dich

## Erste predig

stu dich auff's Recht beruffen / es suchen vnd fordern. Aber wenn du mit Gott solt handeln / vnd fur seinem Gericht bestehen / So gedencke nur auff kein Recht / sondern / gib dir selb vnrecht / vnd im recht / wiltu anders gnade finden. Das thustu denn / wenn du mit David / vnd allen Weiligen sagest / Lieber **DEUX** / ich bekenne / füle vnd gleube / das ich ein verdampfter Sunder bin / Darumb bitte ich dich / absoluir / wasche vnd teuffe mich / vmb Christus willen / So weis ich / das du mir gnedig bist / ich vergeltung der sünde habe / vnd rein vnd schneeweis bin.

**¶** So ist nu Johannes Tauffe nicht weit von der Tauffe Christi / Vnd zwar er selbs zeigt die vnterscheid / da er spricht / Ich teuffe mit wasser / Aber der nach mir kompt / der wird euch teuffen mit dem heiligen Geist vnd Feur. Als solt er sagen / Ich bin nicht der Man / der die sünde vergibt / vnd den heiligen Geist gibt. Aber doch teuffe ich auff den selbigen / der es thut / der balde nach mir komen wird. Darumb sind die / so Johannes getaufft hat / vnd vor der Tauffe Christi gestorben sind / gleichwol selig worden / Denn sie haben gegleubt / das Christus mit seiner Tauffe komen / vnd sie teuffen würde mit dem heiligen Geist vnd feur / das ist / das er als das rechte Lemblin Gottes / am stam des Crentzs geopffert / alda fur die sünde der gantzen welt sterben würde / vnd da mit

D iij    ausrich

ansichten/das alle/so an in glauben/vergebung der sünden haben/vnd den heiligen Geist empfangen solten/der sie erleuchten/heiligen/trösten/vnd stercken würde etc. Gleich wie die heiligen Peter (David vnd andere) vor ihnen auch geglaubet haben.

¶ Darumb ist kein ander vnterscheid/Daß das jene geglaubet haben an den künfftigen Christum/Wir aber glauben an den/so da kommen ist/Beide jene vnd wir/haben einerley Christum/welcher ist gestern/heute vnd in ewigkeit Ebre. 13. Allein die zeit ist anders/das sie zuvor/wir aber hernach sind. Wer nun mit vns S. Johannis zeugnis glaubet/das er Gottes Lamb sey/welchs der Welt sünde tregget/vnd mit dem heiligen Geist teuffe etc. der wird mit vns selig/Gott geb er kome vor oder nach/es ist einerley glauben/Denn was jene so von Johanne getaufft sind/von dem künfftigen Christo geglaubet haben/das glauben wir itzt von dem selben der komen ist/vnd empfangen beide einerley gnade.

¶ Doch ligt grosse macht dran/das wir glauben/das er nun komen sey/Denn die Jüden/vnd zwar wir Weiden auch/wollen inmerdar einen Christum haben/der noch komen sol. Die Jüden glauben nicht/das dieser/so da kommen ist/Christus sey/sondern stehen feste dar auff er solle noch komen/Machen ein lauter gespötte aus vnserm glauben vnd Tauffe.

Also auch

## Erste predig

¶ Also auch der Papst mit seinem Dau  
fen / sagen wol Christus sey komen / fur vnser  
sunde gestorben etc. Aber im grund der war-  
heit / ist's beidemit irer lere vnd leben also ge-  
than / als were durch Christus sterben vnd blut  
vergiessen / nie kein Erlösung geschehen / noch  
keine Tauffe von im gegeben / In summa / als  
were er noch nie komen. Denn sie leren durch  
eigen werck die sunde büßen / vnd dafur gnugs  
thun etc. Darumb (sage ich) ligt grosse macht  
daran / ob man glenbe / an den erschienenen  
oder zukünftigen Christum. So David oder  
andere Peter / zu irer zeit geglenbt hetten / das  
Christus komen were / so weren sie gleich so wol  
verdampft worden / Als itzt die Juden / so nicht  
glenben / das er komen sey / verloren vnd vers-  
dampft werden.

¶ Weiter beschreibet der Euangelist die  
herrliche offenbarung (der gleichen zuor ni-  
gehört noch gesehen ist) so vber der Tauffe  
Christi sichtbarlich geschehen ist / nemlich /  
das da die gantze Göttliche Maifestet / der Va-  
ter / Son vnd heilliger Geist sich zu gleich erzei-  
gen / vnd solch gros wunderwerck vnd Göttlis-  
che klarheit / eben auff diezeit / da Christus ge-  
taufft wird / gespart ist / Vber welchem sich der  
Himmel auffthut / vnd der heilig Geist er nider fe-  
ret auff in / in leiblicher gestalt / wie ein Taube /  
Vnd Gott selbs sich hören leßt / vom Himmel /  
vnd spricht / Dis ist mein lieber Son an dem ich  
wolge

*Nugamini hoc  
est Lutheri*

gibney 1873

wolgefallen habe/ vnd er / Christus / in seiner heiligen menscheit da stehet.

¶ Welches alles vmb vnsern willen geschehen vnd geschrieben ist/ das wir die liebe Tauffe hoch achten vnd herrlich preisen sollen/ weil wir hie sehen/ das sie Christus der Herr nicht allein eingesetzt vnd befolhet zu geben / sondern auch von Johanne seinem Diener selbs annimpt/ sencket sich ins wasser/ vnd berührt mit seinem heiligen Leibe/ das er die Tauffe da mit nicht allein bestetige/ sondern auch heilige vnd vol Segens mache. Darumb wir auch nicht zweineln sollen/ das wo vnd wenn die Tauffe/ nach Christus befelh gerichtet wird/ der Himel offen stehe/ vnd die gantze heilige Dreifaltigkeit gegenwertig sey vnd selbs teuffe zc. Der Text ist reich vnd köstlich / danon noch viel zu reden were/ Aber die stunde ist nu aus. Auch ist er vor mals mehr gepredigt vnd durch den Druck angangen. Wer wil/ mag lesen/ Wollens itzt da bey lassen bleiben / vnd Gott vmb seine gnade anruffen.

[Die ander

# Die Ander Predigt.



**C**estern fiengen wir an von der Tauffe Christi zu reden / das er sie von Johanne aus der vr-  
sach habe angenommen / das er an vnser stat / ja in vnser Person trete /  
das ist / fur vns ein Sünder würde / vnd lüde auff sich die sünde / so er nicht gethan hatte /  
wüsche sie abe vnd ersenffte sie in seiner heiligen Tauffe. Vnd das er solchs gethan habe / nach dem willen Gottes / des himlischen Vaters / der vnser aller sünde / auff in geworffen hat / das ers tragen / vnd vns durch seine Tauffe nicht allein dauon reinigen / vnd am Crentz dafür gnug thun / sondern auch vns mit seiner heiligkeit vnd vnschuld anziehen vnd schmücken solte.

¶ Ist aber das nicht ein feiner herrlicher wech- sel / da Christus der aller ding vnschuldig vnd heilig ist / nicht allein auff sich nimpt frembde / das ist / meine sünde vnd schulde / sondern er klei- det vnd schmückt mich / der ich eitel sünde bin / auch mit seiner vnschuld vnd reinigkeit. Stirbt dazu des schmelichen tods am Crentz vmb mei- ner sünde willen / durch welche ich den ewigen tod vnd verdammnis verdienet habe / vnd schen-  
**E** cket mir

cket mir seine gerechtigkeit / Auff das ich mit  
im ewiglich leben sol/ in herrlicher vnd vnaus-  
sprechlicher freude. Durch solchen seligen  
wechsel (den das hertz allein durch den glau-  
ben fasset) damit der liebe Weiland mit vns  
bent/ vnd sonst durch nichts/ werden wir der  
sunde vnd des tods los/ vnd kriegen zu eigen  
sein gerechtigkeit vnd leben.

¶ Wo nu solchs gepredigt vnd erkand wird/  
da kan man gewis vrteilen vnd schliessen / das  
alle (sie seien vnd heissen wie sie wöllen) die et-  
was anders leren oder thun ( denn itzt gesagt)  
der sunde dadurch los zu werden / vnd Gottes  
gnade zuerwerben/ irren/ vnd mit irer andacht/  
guter meinung/ strengem leben/ schweren vnd  
grossen wercken/ wenn sie jr noch mehr theten/  
verloren vnd verdampt seien. Denn sie stehen  
darauff / das sie durch jr eigen gerechtigkeit  
vnd verdienst Gottes zorn versönnen/ vnd gnade  
vnd seligkeit erwerben können/ Welchs gnug-  
sam anzeiget/ das sie von diesem seligen wech-  
sel/ gar nichts wissen. Sondern dencken/ Ob  
ich gleich ein Sünder bin/ hats doch nicht not/  
ich kan der sachen wol raten/ wil dis oder das  
thun/ Gott zu lobe/ das wird er ansehen &c.

¶ Aber es heisst also / was vnser eigen ding  
ist/ es schein so gut vnd heilig als es kan / das  
bestehet fur Gott nicht/ es muss zu nichte wer-  
den/ vnd schlecht tod sein. Denn künden wir  
durch

*Inepte loquitur  
vis Luteri*

*Mentis in  
collum tuum*

## Die ander Predig

durch menschliche Krefte/ die sünde büßen/  
vnd den tod vertreiben / wers vnnot gewest/  
das Christus were Mensch worden/ zur Tauf-  
fe komen/ vnd gestorben/ vmb vnser sünd wil-  
len. Darumb wiltu nicht feilen noch verloren  
sein/ So glenbe der Schrift/ die zeuget/ das  
alle Menschen Sunder sind/ das fur Gott kein  
Lebendiger gerecht sey. Sollen sie aber gerecht  
werden/ so müsse es geschehen durch Christum/  
den gebenedeieten Samen/ der Adam/ Abra-  
ham zc. verheissen ist / das er der Schlangen  
den kopff zutretten/ vnd alle Welt vom fluch  
erlösen sol. Das hat er gethan/ hat aller welt  
sünde auff sich genomen/ ist ein fluch worden  
fur vns/ vnd hat also alle die/ so an in glauben  
vom fluch erlöset/ Gala. 3.

1/ Solche erkenntnis vnd glaubemacht ein  
frölich hertz/ das gewis vnd sicher kan sagen /  
Jch weis von keiner sünde mehr/ denn sie liegen  
Christo alle auffm hals. Nu können sie je nicht  
zu gleich auff im vnd vns liegen. Darumb kan  
ja niemand sagen/ das er durch seine eigen ge-  
rechtigkeit/ oder Orden/ fur die sünde gnugthu/  
Denn sünde büßen vnd tilgen / gehöret allein  
Christo zu. Christus aber ist weder mein/ dein  
noch aller Menschen werck. So sind sie auch  
nicht sein Leib vnd Blut/ die er fur vnser sünd  
geopffert hat/ Sondern er ist war Gott vnd  
Mensch/ der aller welt sünde tregt / Jeret aber

*vnd wir vnd laßt  
fortige gawissen*

zu/erſenfft vnd erwürgt ſie in der Tauffe vnd  
am Creutz/vnd leſt dir predigen/ das er ſeinen  
Leib für dich gegeben/vnd ſein Blut vergoffen  
habe/zur vergebung deiner ſunden. Gleubſtu  
es/ſo ſind ſie dir vergeben / biſt from vnd ge  
recht/empfeheſt den heiligen Geiſt/das du nu  
hinfort der ſunde widerſtehen kanſt / Vnd wo  
du aus ſchwachheit von jr vberleitet wirſt/ſol ſie  
dir nicht zugerechnet werden/ ſo du anders in  
ſolchem glauben bleibeſt.

**¶** Das heiſſt vergebung der ſunden/die ge  
ſchicht ja nicht one bezalung oder gnugthu  
ung/Aber ſolche bezalung iſt nicht dein/ Son  
dern es koſtet Chriſtum ſein Leib / Leben vnd  
Blut/ Die hilft nicht/ob du gleich/ ja alle  
welt jr Leib vnd blut opfferte/denn es gilt kein  
opffer für Gott / die ſunde zu bezalen (ſpricht  
die Schrift) denn das einige opffer Chriſti.  
Das er nu ſich ſelbs opfert für deine vnd aller  
welt ſunde/vnd ſchenckt dir ſeine vnſchuld vnd  
gerechtigkeit/das kömpt dir zu hülffe / vnd er  
ſenfft deine ſunde vnd tod. Vnd ſo du in ſol  
chem Glauben getaufft wirſt/ſo zieheſtu Chri  
ſtum an/der dir in der Tauffe die ſunde abwes  
ſchet vnd den heiligen Geiſt gibt zc. Also ſihe  
ſtu ja / das ſolche vergebung nicht geſchicht  
durch vnſer buſſe/Sondern das Chriſtus vn  
ſer aller ſunde tregt/vnd erwürget ſie an ſeinem  
leib/vnd wir ſolchs durch den glauben ergreif  
fen/vnd vns ſeinem befehl nach laſſen teuſſen.  
Das

## Die Ander predigt

¶ Das meinet auch S. Johannes / da er zum WErrn saget / Ich bedarff wol / das ich von dir getaufft werde / vnd du kömpst zu mir? Als solt er sagen / Ich bin ein Sünder / drum solt ich billich von dir / WErr / die Taufe empfangen / vnd also durch dich von den sünden gereinigt vnd absoluiert werden. Denn er hat wol verstanden / das Christus keine sünde hette / vnd doch der were / der aller welt sünde trüge / vnd allein die vergebung brechte / vnd den heiligen Geist gebe / darumb spricht er / Mir ist not / das ich von dir getaufft werde.

¶ Aber Christus spricht / Lass itzt also sein / Denn also gebürt es vns alle gerechtigkeit zu erfüllen / Als solt er sagen / Meine Tauffe ist dahin gericht / das ich darinnen abwaschen vnd ersenffen solt aller welt sünde / das dadurch ausgericht werde alle gerechtigkeit vnd seligkeit. Darumb ist auch die Tauffe vmb Christus willen furnemlich von Gott geordnet / Darnach auch vmb aller Menschen willen. Denn erstlich mus er durch seinen eigen Leib die Tauffe heiligen / vnd dadurch die sünde wegnemen / Auff das darnach auch die / so an in glauben vergebung der sünden haben. Darumb ist die Tauffe nicht ein vnnutz ledig ding / wie die Kotten lestern / Sondern es wird darin ausgericht alle gerechtigkeit &c.

¶ So stehet nu die busse ( so Johannes prediget

diget zur vergebung der sünden) am meisten  
darin/das du Gott recht gebest / vnd bekennest/  
das sein vrteil war sey / darin er saget / das wir alle  
Sunder vnd verdampt sind / Wenn du solches von hertzen  
thust / so ist die busse angefangen. Was thu ich denn  
mehr? Bucke dich her / vnd las dich teuffen. Denn ich  
(spricht Christus) habe mit meiner Tauffe ausgerichtet /  
das / wer an mich gleubet / vnd solche Tauffe annimpt /  
vergebung der sünde habe / vnd mein Vater / sampt mir  
vnd dem heiligen Geist / bey jm wonen.

Denn hie sihestu / wie wir gestern auch sagten / das sich vber Christo nach dem er getaufft ist /  
von stund an (der gleichen zuor bey S. Johanes Tauffe  
nie gesehen ist) der Himel auffthut (vnd hernach die Erde /  
Greber / Welde vnd alles offen stehet) vnd der heilige Geist  
in der Tauben gestalt gesehen / vnd des Vaters stimme  
vber dieser Tauffe gehort wird / vnd spricht / Er habe  
ein hertzlich wolgefallen dran. Denn dieser Son / der da  
stehet vnd sich von Johanne teuffen leßt / gefellt jm so wol /  
das wenn er tausent Welt sünde auff sich trüge /  
musten sie alle in seiner Tauffe erseufft vnd vertilget sein.  
Weil er aber an jm gefallen hat / so hat er auch gefallen  
an denen / so an in gleuben / vnd sich nach seinem befehl  
lassen teuffen.

Also wird in der Tauffe nicht allein die  
sünde

## Die Ander predigt

sünde vergeben/ Sondern wir werden auch sicher vnd gewis gemacht/ das Gott ein solchen wolgefallen daran habe/ das er sampt Christo vnd dem heiligen Geist da bey wolle sein/ wenn sie gereicht wird/ vnd selbs Teuffer sein/ Ob gleich solche herrliche offenbarung der Göttlichen Majestet nu nicht sichtbarlich geschicht/ wie zur selbigen zeit am Jordan/ Denn es ist gnug/ das sie ein mal geschehen ist zu ein zeugnis vnd warzeichen.

Darumb sollen wir vns mit allem vleis gewenen/ diese sachen mit des glaubens augen anzusehen/ vnd solche herrliche offenbarung vnd Göttliche Klarheit/ vnd geprenge / so vber der Tauffe Christi geschehen ist / auff vns zu denten / Denn dis alles ist nicht vmb Christus willen geschehen noch geschrieben (denn er im selbs nicht getaufft) sondern vns zu trost vnd sterckung vnsers glaubens/ vmb welcher willen er auch die Tauffe hat angenommen. Darumb sollen wir gewis sein/ wo jmand getaufft wird/ nach Christus befehl/ das da gegenwertig sey/ Gott der Vater/ Son vnd heiliger Geist/ vnd das im Himel eitel wolgefallen/ lust vnd freude darüber sey/ das die sünde vergeben/ der Himel ewig auffgeschlossen/ vnd nu mehr kein zorn/ sondern eitel gnade sey.

Nicht das wir solches durch vnser rewo oder gnugthun erlangen mögen / Sondern vmb

umb dieses Sons willen Kommen wir zu dieser  
gnade/ der vnser aller sünde auff sein hals trez  
get/ von welchem der Vater zeuget / Dis ist  
mein lieber Son zc. darumb hat er ein trefflich  
gefallen daran/ das er sich teuffen leßt/ vnd im  
wasser die sünde ersenfft / vnd darnach am  
Creutz tödtet. Da mus vmb seinen willen vnz  
tergehen vnd auff hören / Sünde/ Tod/ Ver  
damnis/ vnd dagegen erfür brechen / Gerech  
tigkeit/ Leben/ Seligkeit / Vnd das zuuor an  
vns für Gott verdampt war/ das ist nu in Chri  
sto eitel wolgefallen/ auch was noch feil vnd ge  
brechen da ist/ vmb seinet willen nicht schaden  
mus.

Auch ist das wol zu mercken / das alhie  
vber der Tauffe Christi/ ist nicht ein solcher  
schrecklicher anblick zu sehen gewesen / wie am  
berge Sinay/ da das volck Israel das Gesetz  
empfienge/ da ein gros/ dicke vnd finster wetter  
war/ vnd ein grausam blitzen vnd donnern/  
vnd der Posaunen hall greslich lautet. Item  
der gantze Berg rauchet vnd brandte bis mit  
ten in den Dimel/ das das volck zu rüch wiche/  
vnd Gottes stimme so aus dem feur redte nicht  
hören kundte zc. Sondern da gehet alles fein  
lieblich / tröstlich / vnd frölich zu / der Vater  
leßt sich auff's freundlichst hören/ Er habe ein  
wolgefallen am Son/ der Son stehet da in der  
menschheit / vnd leßt sich vns zu gut teuffen/ vnd  
der heilig Geist feret ernider gleich als ein Taub  
ben. Da

## Die ander predigt

ben. Da ist ja kein schrecklich oder maifestetisch gestalt zu sehen/ auch kein harte vnleidliche predigt zu hören gewest/ darin sich Gott erzeiget vnd hören hette lassen/ Sondern ist alles lieblich vnd tröstlich anzusehen gewesen. Nu wollen wir auch ein wenig von vnser Tauffe reden.



Offs erst / sollen wir aus Gottes wort lernen / das ein iglicher Christen wisse/ was die Tauffe sey. Denn es sind bisher gewesen viel der Kotten vnd Ketzer/ vnd werden jmerdar sein/ durch welche die heilige Tauffe angefochten wird. Welches kömpt daher/ das man die Tauffe nicht anders ansihet/ denn (wie die augen vns weisen) als lauter wasser. Nach solchem tollen gesicht kan ein Mensch nicht anders richten/ noch mehr von der Tauffe wissen/ weder eine Que. Darumb mus ein Christen hieyon anders vnd besser bericht sein.

Nu leret vns Gottes wort / wie ich oft gesagt habe/ das zu dem Sacrament der Tauffe gehören drey stück. Das erst ist recht natürlich Wasser/ welchs die Kotten allein ansehen/ vnd sagen/ Wasser könne die Seele nicht waschen. Machen darnach ein lauter ledig Zeichen draus/ wie man die Schaffe zeichent &c. Aber das ist viel zu wenig zur heiligen Tauffe/ Denn es ist nur ein / vnd das gerinste / stücke.

§ Wir

Wir sagen auch wol/das es wasser sey. Aber  
es gehört noch etwas mehr dazu / welches  
solch wasser herrlich / heilig / vnd zur rechten  
Taufe machet / nemlich.

Zum andern/Gottes wort/neben vnd bey  
dem Wasser/Welches nicht wir ertichtet noch  
ertrewmet haben/Sondern Christi wort ist/  
der da spricht/Geht hin in alle Welt/vnd teuf  
fet sie/im Namen des Vaters/vnd des Sons/  
vnd des heiligen Geists. Wenn diese wort zu  
dem wasser komen/so ist es nicht mehr schlecht  
wie ander/wasser/Sondern ein heilig / Götts  
lich selig Wasser. Denn wo Gottes wort ist/  
dadurch er Himel vnd Erden / vnd alles ge  
schaffen hat/da ist Gott selbs mit seiner Krafft  
vnd Macht. Was aber solch wort mit dem wa  
sser schaffe vnd wircke/ werden wir hernach  
hören.

Vnd dis ist für allen dingen wol zu mer  
cken/das man das Wasser/nicht als schlecht  
wasser/on Wort ansehen sol/Sondern wissen/  
das das wort mit vnd bey dem wasser/mach  
et das wesen der Taufe. Wie S. Paulus kler  
lich hienon saget/Ephes. 5. Das Christus seine  
Braut/die Christenheit gewaschen vnd gerei  
niget hat/durch das wasserbad **JWWDAT**  
zc. welches ist ein ander Bad vnd Waschen/  
denn durch natürlich wasser / oder menschlich  
waschen vnd baden geschieht in der wannen.  
Denn

## Die ander predigt

Denn hie ist (spricht S. Paulus) das lebendige Gottes wort/ das da sagt/ Ich teuffe dich im Namen des Vaters/ vnd des Sons / vnd des heiligen Geists/ das ist/ da nicht ein Mensch/ sondern Gott selbs teuffet. Denn so es in seinem Namen geschicht/ so heisset von der heiligen Dreifaltigkeit selbs gethan.

Zum dritten/ Gehöret noch ein stück das zu/ das es ein Sacrament sey/ nemlich die Einsetzung/ oder solch wort/ das die Tauffe stiftet vnd ordnet. Denn es mus hiezu zweierley wort da sein/ das es eine Tauffe sey. Eines so bey dem wasser oder teuffen gesprochen wird. Das ander so also zu teuffen/ das ist ins wasser zu tauchen/ vnd solche wort zu sprechen ordenet vnd befolhet. Wenn nu solches zu samen kömpt/ nemlich / der befelch vnd einsetzung solchs zu thun/ vnd das wort mit dem wasser/ so solcher einsetzung nach gebraucht wird/ vnd die selbe vbet vnd ausrichtet / so heisset vnd ist es eine Tauffe.

Dis ist das fürnemeeste stücke / darnach man hierin sehen vnd fragen sol/ nemlich/ Wer der Siffter sey/ der solch teuffen geordnet vnd befolhen hat. Denn das machet eine grosse vnterscheid zwischen der Tauffe/ vnd allem andern so da von Menschen erdacht/ vnd dafür gehalten wird/ als solt es für Gott etwas gelten vnd nützen. Als zum Exempel/ Die Zerberer vnd

berer vnd Teuffelhuren die Wettermecherin/  
brauchen auch eines Zeichens oder Creatur/  
als Würtz vnd Kreuter/ vnd sprechen darüber  
das Vater vnser/ oder ander heilige wort/ vnd  
namen Gottes. Das ist ja (sagen sie) nicht bö-  
se ding/ Sondern sind beide Gottes Creatur  
vnd kösiliche wort vnd heilige namen/ Dar-  
umb soles krafft haben vnd das ausrichten/  
dazu man jr brauchet. Gleich wie auch der  
Papist mit seinem Chresem/ Weichwasser vnd  
Saltz geuckelt vnd zenbert.

Aber hie sol man nach dem dritten stück  
sehen/ vnd fragen/ Lieber/ wo vnd wer ist der  
Stifter/ der solchs geheissen habe? Dastu  
auch ein wort oder befehls Gottes/ so da sagt/  
Das soltu thun? So soltu Saltz oder wasser  
weihen/ vnd solche wort darüber sprechen.  
Wo solch wort nicht ist/ da ist vnd gilt nichts/  
was man sonst für zeichen vnd wort brauchet.  
Das auch die Tauffe on dieses/ kein Sacra-  
ment were/ ob gleich beide Wasser vnd Wort  
darüber gesprochen/ da weren. Wie das Paps-  
stumb mit solcher falschen Lügentauffe nerret/  
da sie die todten Glocken weihen vnd teuffen/  
Da auch beide Wasser vnd Wort gebrancht  
werden/ wie in der rechten Tauffe. Was feilet  
denn daran? Nichts anders/ denn dis stück/  
das kein Gottes stiftung vnd befehls da ist/ der  
solchs geheissen vnd geordnet habe/ Sondern  
Menschen

## Die ander Predig

Menschen aus eigenem gutdüncken / solches auffgebracht haben. Wie denn das gantze Bapstum eitel Menschenlere vnd jr eigen Tant ist / Darumb ist solch teuffen kein Sacrament / sondern ein lauter verkerung / ja ein spot vnd lesterung der Tauffe.

Sihe das ist das nötigste / so man bey der Tauffe lernen vnd wissen sol / Das da sey der Stifter von Dimele / der da beide den befehl zu teuffen / vnd auch die Form vnd Weise stellet vnd gibt. Denn erstlich mus Gott selbs hie von befehlen. Darnach mus er auch selbs die Creatur oder Element nennen. Dazu auch setzen odder furschreiben die wort / so man dazu brauchen sol. Das es alles gehe in seinem befehl / nicht aus Menschlicher walt / oder andacht / welche der heilige Geist in der Schrift allenthalben verdampft / vnd heisst Abgötterey vnd Zerberey / Vnd spricht danon in dem Propheten Jeremia am. 7. Cap. Quod non praecepi, neq; ascendit in cor meum &c. Das ist / Ich habe solchs nie gebotten noch in sinn genomen. Darumb wil er / das wir nichts anders annemen / denn was er selbs stiftet vnd ordenet / welches vns auch das beste vnd nütze ist / das wir nicht dürffen in zweifel pampeln vnd schweben / Sondern gewis sagen können / Ich weis das die Tauffe / so ich empfangen habe / nicht Menschen / sondern  
S ij Gottes

Gottes werck vnd Tauffe ist (ob sie wol durch ein Menschen gereicht wird) denn es ist sein eigen Gestift vnd Ordnung.

Wo nu solcher verstand von der Tauffe ist/ da kan man sich hüten vnd weren / beide wider die Kotten / so die Tauffe für schlecht wasser vnd menschlich ding halten/ Vnd wider alle Zerberrey vnd greuel des Paps/ so beide der Creaturn vnd Gottes wort misbrauchet/ on Gottes befelb. Denn wo Gott etwas stiftet vnd einsetzet/ das mus nicht ein schlecht menschlich Zeichen sein / dabey man einen für den andern kennen vnd vnterscheiden kan / Sondern ein heilsam / heilig / Göttlich ding/ das da krefftig ist / vnd dienet zur seligkeit. Wo nu wasser ist mit Gottes wort / vnd aus Gottes befelb / da können die hertzen gewis sein / das dis ist ein rechte göttliche Tauffe / ob schon da kein eusserlich gros geprenge für den augen ist / Denn solchs ob es auch auff's herrlichst were / thut es doch nichts zur Tauffe.

Denn hie wird der Mensch gar ausgezogen / vnd nacktet erzu bracht / vnd geschicht nicht mehr / denn das er aus Gottes befelb ins wasser getaucht / oder das wasser / vber in gegossen / vnd das wort gesprochen wird / Ich teuffe dich etc. Wo das geschicht / soltu daran nicht zweiffeln / es sey ein rechte vollkomene Tauffe / Noch darnach fragen / ob der so die Tauffe reiche /

## Die ander Predig

chet/ from vnd gleubig/ oder nicht sey. Es ist  
gleich Gottlos vnd vngleubig sein ( denn was  
er für sein Person ist/ das gehet die Tauffe ni-  
chts an/ sol auch dir nicht schaden ) so er nur  
die einsetzung Christi helt/ vnd nimpt dazu  
nicht wein/ bier/ laugen/ oder ein ander ding/  
sondern wasser mit zugethanem Gottes wort/  
So heisst vnd ist es eine heilige Tauffe. Denn  
hie ist alles/ so zu dem wesen der Tauffe gehö-  
ret/ nemlich/ natürlich wasser/ mit dem wort/  
aus Gottes stift vnd befehl.

Darumb mus sie auch das wircken vnd  
ausrichten/ dazu sie geordnet ist/ nemlich/ wie  
S. Paulus leret Tit. 3. die widdergeburt vnd  
ernewerung des heiligen Geists. Denn wie wir  
von Adam vnd Lva sind geborn zu diesem les-  
ben/ Also sol der selbige alte Mensch/ zu vor ge-  
born in sunden vnd zum tod/ wider vnd new ge-  
born werden zur gerechtigkeit vnd ewigem Les-  
ben/ aus krafft des heiligen Geists / Vnd doch  
eusserlich nichts mehr dazu kömpt/ noch danon  
empfundnen wird/ denn wasser vnd wort/ welch  
es allein mit den augen gesehen/ vnd mit oh-  
ren gehöret wird. Vnd hat doch solche krafft/  
das der Mensch/ so in sunden empfangen vnd  
geborn/ itzt für Gott new geborn/ vnd der zu-  
vor zum Tod verdampt/ nu warhafftig ein  
Gottes kind wird. Wer kan solche herrligkeit  
vnd krafft der heiligen Tauffe mit menschen  
sinnen oder verstand erlangen. ¶

Darumb

Darumb sihe alda nicht nach des Dieners hand vnd munde/ der schlecht wasser nimpt/ vnd wenig wort dazu spricht ( welches ein gering werck ist/ das allein augen vnd ohren füllet/ vnd sonst nichts thut/ wie die blinde Vernunfft sich düncken leßt ) Sondern nach Gottes wort vnd werck/ aus welches Befelß die Tauffe gesufftet/ ja der selbs Teuffer ist. Darumb hat sie auch solche krafft/ wie der heilig Geist durch S. Paul zeuget/ das ein Bad der widdergeburt vnd ernewerung des heiligen Geists ist/ welchs vnser vnreine vnd verdampfte geburt von Adam/ darin wir alle in sunden geboren/ vnd daher so voller vnflats vnd aussatzs sind/ das vnser hertz vnd alle höchste krefft der vernunfft/ wider Gottes Gebot vnd seinen willen streben / dauon wir vns selbs nicht reinigen können/ sol anders machen/ vnd solche Erbseuche reinigen vnd wegnemen/ Vnd vns in vnschuld setzen/ das wir one sünde vnd tod / am Jüngstentage aufferstehen werden / schöner vnd reiner denn die Sonne / an Leib vnd Seel gerecht vnd lebendig in ewigkeit.

Darumb sol man die Tauffe nicht gering halten/ wie die Teuffelsrotten thun / die ein schlecht ledig Zeichen daraus machen/ Sondern hoch ehren vnd preisen/ als vnsern höchsten vnd thewersten schatz. Ob wir wol nichts dauon sehen denn wasser/ noch hören denn die wort/

## Die Ander Predigt

wort/burch den Teuffer gesprochen/von welchem wir doch nicht können wissen/ob er selbst glaubt oder nicht. Welchs/wie gesagt/der Tauffe nichts nimpt noch dir schadet/ Denn ich solts vnd wils nicht darauff wagen oder setzen/was der Diener ist oder glaubet / Sondern das ich meiner Tauffe gewis sey / wil ich auff den Stifter sehen/vnd hören/wie sein wort vnd befehl lauten. Der diener mus zwar da sein / seine hand vnd mund dazu reichen / Aber ich sol mich nicht lassen weisen auff den sichtbarn/ sondern auff den vnichtbarn Teuffer / der die Tauffe gestiftet vnd geordnet hat/ Auff den sol ich sehen / Gott gebe der Diener sey wie er wolle.

So höre ich auch das diese wort / so gesprochen werden / nicht also lauten / Ich teuffe dich in meinem / oder S. Petri / Pauli oder eines Menschen namen / Sondern im Namen des Vaters / Sons vnd heiligen Geists. Zu dem sehe ich / das der Teuffling ins wasser getaucht wird / oder damit begossen. Daher weis ich das solchs ein rechte Tauffe sey / Denn die Schrift bezeuget klar / wo die drey stück dazu komen / so sey es eine rechte Tauffe / die einen neuen Menschen macht / Vnd wo er also bleibet / ist er heilig an leib vnd seel.

Also / sage ich / sol man herrlich beide reden vnd dencken / von der heiligen Tauffe / das  
G sie weit

Die Tauffe  
sie weit vnterscheiden werde/ von anderni was  
schen vnd baden/ Denn hie ist Gott Vater/  
Son/ vnd heiliger Geist selbs/ der da teuffet  
vnd badet. Darumb mus auch das werck so  
krefftig sein/ das es den Menschen gantz new  
make. Daher pfeget S. Johannes der E  
uangelist gerne also von der lieben Tauffe zu re  
den/ Das sie sey ein wasser mit dem blut Chri  
sti gemenet. Als Johan. 19. da Christus ge  
crentziget vnd gestorben war/ vnd der Kriegs  
knecht einer mit einem Spehr seine seiten offe  
net/ da gieng (spricht er) als balde Blut vnd  
Wasser her aus. Vnd betreffiget solchs mit  
grossen worten/ vnd spricht. Vnd der das gese  
hen hat /der bezeuget es/ vnd sein Zeugnis ist  
war/ vnd er weis das et war saget/ Auff das  
auch jr glaubet.

Des gleichen in seiner Epistel am letzten  
Cap. spricht er von Christo/ Dieser ist der da  
kompt mit wasser vnd blut/ Ihesus Christus/  
Nicht mit wasser alleine / sondern mit wasser  
vnd blut. Also wil er allezeit das blut in die  
Tauffe mengen/ das darinnen scheine vnd er  
sehen werde das rosenfarbe vnschuldige blut  
Christi. Nach Menschlichen augen scheint da  
nichts/ weder lanter weis wasser/ das ist war/  
Aber S. Johannes will vns die innerlichen vnd  
geistlichen augen des glaubens auffthun/ das  
wir damit sehen nicht allein wasser / sondern  
auch das blut vnsers HErrn Ihesu Christi.

Warumb

## Die andre Predigt

Warumb das? Denn diese heilige Tauffe  
ist vns erworben durch dasselbige blut welches  
er fur vns vergessen/ vnd fur die sünde bezalet  
hat. Das blut vnd desselben verdienst vnd  
krafft/hat er in die Tauffe gelegt / das man es  
darinn erlangen sol. Denn welcher die Tauffe  
empfehet im glauben/ das ist eben /als würde  
er sichtiglich mit dem blut Christi gewaschen/  
vnd von sünden gereiniget. Denn vergebung  
der sünden erlangen wir nicht durch vnser  
werck/sondern durch des Sons Gottes ster-  
ben vnd blutuergiessen / Solche vergebung  
aber legt vnd steckt er in die Tauffe.

Dahin hat S. Johan. gesehen/da er was-  
ser vnd blut zusammen menget/Denn es ist doch  
darinn das jenige/so durch das blut erworben  
ist. Vnd schetzet also S. Johan. den Menschen  
so getaufft wird/in dem blut Christi gebadet.  
Welches blut ist nicht eins sundigen Mensche-  
en/oder eines todten Bocks oder Ochsenblut/  
Sondern es ist vnschuldig/gerecht vnd heilig/  
vnd ein blut des lebens/Darumb hat es auch  
so scharff saltz vnd seiffe / das / wo es kömpt  
vber sünde vnd vnreinigheit/beisset vnd wesch-  
ets alles hinweg/frisst vnd tilliget in eim augen-  
blick beide sünd vnd tod.

Also bildet vns S. Johannes die liebe  
Tauffe fur/das wir nicht sollen achten noch  
S ij an sehen/

ansehen allein das weis wasser / Denn Chri-  
stus (spricht er) kömpt nicht mit wasser allei-  
ne (wie die Widdertenffer lestern / Es sey ni-  
chts mehr denn wasser) Sondern mit wasser  
vnd blut / Wil durch solche wort vns vermanet  
haben / mit geistlichen augen in der Tauffe anz-  
zusehen / das schöne rosenfarbe Blut Christi / so  
aus seiner heiligen seiten geflossen vnd vergos-  
sen ist / Vnd heisst also die getaufft werden / ni-  
chts anders / denn in dem selben rosenfarben  
blut Christi gebadet vnd gereiniget werden.

Daher auch S. Petrus sagt. 1. Petr. 1. das  
die so getaufft sind / besprenget werden mit dem  
vnschuldigen blut Christi. Wie werden sie denn  
besprenget? Wer hat je gesehen jemand also be-  
sprengt werden? Zwar im alten Testament  
war des besprengens viel / wie Num. 19. gebor-  
ten war / von dem Sprengwasser / von der asch-  
en der verbranten rötlichen Kue / damit die / so  
vnrein / waren / mussten entsündigtet werden.  
Aber das sprengen dauon S. Petrus säget /  
(vnd durch jenes bedeutet ist) ist nichts anders  
denn predigen. Weihe oder Sprengwasser ist  
die heilige Schrift. Des Predigers oder Chri-  
sten zunge ist der Sprengweddel. Denselben  
tunckt er in des Herrn Christi rosenfarb blut /  
vnd besprenget damit das volck / das ist / er pre-  
diget jnen das Euangelium / welches also lau-  
set / Das Christus vergebung der sünden erwor-  
ben habe

## Die ander Predigt

ben habe / durch sein tewr blut / das er fur aller Welt sünde am Creutz vergossen hat / Wers gienbet / der ist da mit besprenget zc.

Darumb ist solches predigen vnd darauff teuffen eben so viel / als würde das blut Christi selbs vber vns gesprenget / Allein das es alhie geistlich geschicht ( denn leiblich besprenghen thets nicht ) das wir gienben vnd sagen / Ich bin gewaschen von sünde vnd tod / durch meines D<sup>er</sup>ren Christi blut. Woher? Aus der predigt des Euangelij / Da höre ich / das Christus darumb gestorben sey / vnd habe sein blut vergossen / das alle so an in gienben vergebung der sünden haben / gerecht vnd selig sein sollen zc.

Gleich wie wir gienben / das durch die Absolutio / die sünden / dore so gefallen sind / vergeben werden / Nicht vmb des hende aufflegens willen / Denn mein hende aufflegen thet allein nichts / Sondern das Christus befolhen hat / vnd gesagt / Was jr auff Erden lösen werdet / sol auch im Himel los sein. Item / Wem jr die sünde vergebet / dem sollen sie vergeben sein. Auff solche wort neme ich die Absolutio an / als die Gott selbs gestiftet vnd befolhen hat zc vnd weis das ich in solchem auch besprenget werde mit dem vnschuldigen blut Christi / da mit er die Absolutio / Tauffe vnd Sacrament geferet hat.

G ij So hat

So hat nu S. Johannes mit diesem Spruch / Christus ist mit wasser vnd blut kommen / wollen anzeigen / das die Tauffe so ein herrlich krefftig ding sey / das sie die sünde abwaschet / den tod ersenfft vnd erwürget / vnd alle gebrechen heilet vnd rein machet. Solches sehen wir zwar nicht mit augen / Aber die Christen sind solche Leute / die nicht sollen noch wollen sehen / sondern sie halten sich ans wort / vnd glauben.

Doch gleichwol ist der liebe Gott so sorgfältig für vns / damit wir nicht in der irre gehen / noch vergeblich nach im tappen / hat er vns eufferliche sichtbarliche Zeichen gegeben / daran wir sollen vnser augen vnd ohren hengen. Sonst mochten wir fürwenden / wir wüßten nicht / wie oder wo wir in finden solten / oder nach vnsern gedancken hin vnd wider irren vnd fladdern / Wie bisher im Papstum geschehen / da einer hie zu S. Jacob / der ander gen Rom. zc. gelauffen ist.

Darumb gibt er vns zu gut solche Zeichen / das man in nicht hie oder da suchen dürffe / Vnd spricht / Siehe auff das wort / Tauffe / Sacrament / Schlüssel. Das ist wol alles eufferlich / Aber dazu dir not vnd nützlich / das du habest ein gewis Bilde / daran du mich könnenst ergreifen / Denn in der blossen Maiestet wirstu mich nicht erlangen. Darumb mus ich mich  
in solchem

## Die ander predigt

in solchem eufferlichem Bilde dir fürstellen /  
das du mich fassen könnest.

Bey solchem Bilde vnd Zeichen / von im  
selbs vns gegeben / sollen wir bleiben. Sonst  
wirds vns gehen / wie der gantzen Mönche rot  
te / welche irer Tauffe vergessen / ins Kloster  
gangen sind / vnd ein Kappen angezogen. Vnd  
inen selbs solch Zeichen gemacht / darinn sie  
Gott haben finden vnd treffen wollen / vnd für  
geben / das sey die rechte weise Gott zu dienen /  
vnd den Himel zu erlangen. Daben darnach  
die Leyen auff ire vbrige verdienst verträset  
vnd dem ertichten geweihten Saltz vnd Was  
sser ja so viel vnd grosse krafft geben / als der hei  
ligen Tauffe. Das ist alles Gottes gefeilet / ja  
Gott versuchet / vnd Abgötterey für rechten  
Gottesdienst angericht / Denn da feilets an  
dem wort / so solches stifften vnd heissen sol.

Darumb laßt vns vnser liebe heilige Tau  
ffe gros vnd werd achten / Erstlich darumb  
das ein recht vnd gewis Bild vnd Zeichen ist /  
von Gott selbs gestellt / darin wir in mit seiner  
gnade gewis finden vnd treffen. Zum an  
dern / das wir alle ander Bilde vnd Zeichen / so  
von menschen erdacht vnd auffgericht sind / sie  
gleissen so schön vnd heilig als sie können / ler  
nen meiden vnd gewis wissen / das wir Gott  
darin nimer mehr treffen noch finden werden /  
sondern das sie vns nur weiter von im abführen.

Ja /

Ja / sprichstu / Ich sehe solch gros vnd  
herrlich ding in der Tauffe nicht / wie du da  
von sagest. Ich habe newlich gesagt / Christen  
sind Lente / die glauben / nicht sehen sollen. Auch  
ob gleich Gott das sichtbarlich offenbaret / wie  
der heilige Geist vnd die gantze Dreifaltigkeit  
in der Tauffe (wie droben gesagt) wircket / vnd  
alle Engel dabey sind / So kündestu doch nicht  
ein augenblick dabey sein / vnd solche Maieſtet  
leiden.

Darumb mus er sich also verdecken vnd  
verhüllen / das du es leiden könnest / vnd also  
sagen / Ich sehe wol nichts in der Tauffe / denn  
wasser / darein der Teuffer das kindlin tauchet /  
oder es damit begensset / vnd höre auch nichts  
denn die wort / so er darüber spricht / Ich tenf  
fe dich im Namen ꝛc. Solchs zeugen mir beis  
de augen vnd ohren. Aber das wott vnd der  
glaube sagt mir / das Gott selbs da ist / vnd  
solch werck thuet / Daher ist's auch so ein treff-  
tig Jängelbad / das es den Menschen newge-  
birt / alle sunde an im abwescht vnd erseufft.

So soltu es nu für ein sonderlich gnade  
annemen / das ers also freundlich machet / das  
niemand künde freundlicher machen / Denn er  
stellet schlecht einen Menschen dar / dem gibt  
er kein schwerd / büchsen / oder einerley waffen  
in die hand / Sondern beſilhet im ein wenig  
wasser zu nemen / mit bloſſer lediger hand / vnd  
dazu

## Die ander predigt

dazu sprechen diese wort/ Ich teuffe dich im  
Namen ꝛc. So legt er vns auch nichts schwe  
res oder vntreglichs auff/beschweret vns auch  
mit keiner vntost/wie die Jüden/ die sich mu  
sten beschneiden lassen/viel schlachten/opffern/  
ꝛc. sondern/wie gesagt/ befihlt vns ein wenig  
wasser zu nemen/welchs sonst jederman ge  
mein/vnd so nötig ist/ das wirs keine stunde  
emperen können/vnd die wort dazu sprechen/  
Ich teuffe dich ꝛc. Also auch im Abendmal/  
heisset er vns essen vnd trincken/ vnd solches  
thun zu seinem gedechtnis ꝛc.

Wer nu solchen verstand (wie angezeigt) von  
der heiligen Tauffe hat/weis was sie sey/schaff  
vnd nütze/vnd wer der Stifter vnd rechte Teu  
ffer sey/der wird die krafft derselbigen auch im  
hertzen erfahren/vnd dauon gebessert werden.  
Wird Gott dancken vnd loben für seine grosse  
gnade/das er in aus des Lndechrists Lügen  
reich erlöset hat/ da solche lere von der Tauffe  
gar geschwiegen vnd allerding vnbeckand ist/  
vnd von allerley lere wissen gewis zu vrteilen/  
obs recht oder falsch sey. Er wird auch seinem  
Nehesten nichts abewuchern/oder sonst im be  
schwerlich sein/sondern alle freundschaftt er  
zeigen/im raten vnd helffen wo mit er kan/vnd  
das heilig Creutz gern leiden vnd tragen. Sol  
che fruchte werden gewislich folgen. Wo ni  
cht/so istts ein cewis anzeigen/das er kein ver  
stand

stand weder vom glauben noch Tauffe hat/  
wenn er gleich dauon viel waschen kan.

Da wollen wirs itzt lassen bleiben/ vnd Chri-  
stum vnsern **HERN** mit ernst bitten / das er  
vns bey reinen verstand des worts vnd  
der heiligen Sacrament wolle er-  
halten/ vnd fur allem irthum  
behueten/ Da gebe er sei-  
ne gnade zu/  
**AMEN.**

Die dritte

# Die Dritte Predigt

Am Sonntag Quali modo geniti / von der Absolutio / Aus dem Evangelio Johannis. am 20. Cap.



Kiede sey mit euch. Gleich wie mich der Vater gesand hat / So sende ich euch. Vnd da er das saget / blies er sie an / vnd spricht zu inen. Nemet hin den heiligen Geist /

Welchen jr die sunde erlasset / den sind sie erlassen / Vnd welchen jr sie behaltet / den sind sie behalten.



Er Derr zeigt an mit diesen worten / was er ausgericht habe durch seine Auferstehung / nemlich / das er habe ein Regiment gestift / das sol zu thun vnd zu handeln haben / nicht mit geld oder gold / vnd was angehet dis zeitlich leben / wie man solches erlangen vnd erhalten sol / Denn solch Reich ist schon zuuor da / von anfang der welt gestiftet / vnd der menschen vernunfft vnterworffen /

Du durch

durch Gottes wort/da er sagt Gene. 1. Herr-  
schet vber Fisch im Meer/ vnd vber Vogel vnt-  
ter dem Dunel/ vnd vber alles Thier auff Er-  
den ꝛc. Das ist das alte Regiment / darin die  
weltliche Oberkeit zu thun vnd zu schaffen hat/  
Dazu sie des heiligen Geists nichts bedarff /  
Dauon man auch in der Christenheit nicht viel  
zu leren hat/ Juristen mögen hie zu raten vnd  
heiffen/ wie es gehen sol.

Aber da neben vnd vber das ist ein ander  
Regiment/ so vber die Gewissen gehet/ vnd be-  
trifft die sachen / da man mit Gott zuthun hat.  
Dasselb ist zweierley/ Eins durch Mose gestif-  
tet. Das ander/ so der Herr hie stiftet/ da er  
sagt/ Gleich wie mich der Vater gesand hat/  
So sende ich euch ꝛc. Mose Regiment sol dazn  
dienen/ das es vns lere/ was sünde vnd nicht  
sünde ist/ Vnd gehöret für die/ so die sünde noch  
nicht kennen oder fülen. Als itzt die Antino-  
mer/ die da surgeben/ Man sol das Gesetz nis-  
cht predigen. Bey denen istz vergeblich viel  
von der gnaden leren / Denn so das Gesetz nis-  
cht gepredigt wird/ so kan man von keiner sun-  
de wissen. Wie S. Paulus sagt/ On das Ge-  
setz ist die Sünde tod. Item / Wo kein Gesetz  
ist/ da ist auch keine vbertretung/ Denn die sun-  
de wie gros sie sey/ vnd Gottes zorn / erkennet  
man nicht/ denn durch das Gesetz. Darumb  
wo das nicht getrieben wird/ werden die Leute  
gar heide

gar heidnisch / meinen sie thun recht / da sie  
doch greulich sundigen wider Gottes gebot.

Die weltlich Oberkeit weret vnd straffet wol  
zwar die öffentlichen sünde / Aber sie ist viel zu  
wenig dazu / wenn sie schon alle Juristen büch  
er zu rat nimpt / das sie solt anzeigen oder leren /  
was sünde fur Gott sey. Darumb ist das Ges  
setze gegeben / das die Leute daraus lernen sol  
len / was sünde sey. Wo die vnerkandt bleibt /  
kan man nicht verstehen / viel weniger begeren /  
die vergebung vnd gnade / Ja die gnade ist als  
denn nicht nütze / denn gnade solt kempffen vnd  
siegen in vns / wider das Gesetze vnd sünde / das  
wir nicht verzweiffeln.

Wie nu ein guter Artzt mus in seiner kunst  
erfahren sein / das er wisse zum ersten / was  
vnd welcherley die krankheit sey / Sonst wo er  
wil dem Krancken helfen / vnd die ursach der  
krankheit nicht weis / sol er im wol so bald  
schedliche giffit als Ertzney geben. Also mus  
erslich vnd zuuor die sünd erkand sein / ehe man  
die gnade predigt. Zu solchem erkentnis aber  
gehöret das Gesetz / das man den Leuten den  
Catechismum furhalte / vnd die Zehen gebot  
vleißig treibe / Denn / wie ich gesagt habe / die  
vernunft ist zu schwach dazu mit irer weisheit  
vnd aller Juristen kunst. Vnd ob jr wol etwas  
von solcher erkentnis eingepflantz ist / so ist es  
doch zu wenig vnd gering. Darumb hat Gott  
durch Mosen solche predigt des Gesetzes ge  
stiftet /

stiftet/welche er zunor von den Vetern em-  
fangen hat.

Das ander Regiment ist/das die Auferste-  
hung des D<sup>E</sup>RRN Christi hat gestiftet/Denn  
durch die selbe hat er wollen ein new Reich an-  
richten/das da sol zu thun vnd zu handeln ha-  
ben/mit sunden(so zunor durchs Gesetz erkand  
sind)vnd mit dem Tod vnd der Wellen/Das  
leret nichts dauon/wie man sol Ehelich wer-  
den/Daus/Stad vnd Lande regieren/den  
weltlichen Frieden erhalten/bawen/pflanz-  
zen zc. Sondern dazu ist's gerichtet/wo man  
bleiben möge/wenn solch leiblich vergenglich  
Regiment vnd wesen auffhöret/da man denn  
Gut/Ehr/Daus/Dose/Welt vnd alles was  
auff Erden ist/vnd aus der Erden wechset/vnd  
dis leben verlassen mus/Wie wir denn alle au-  
genblick zugewarten haben.

Wo Adam nicht gesündigtet hette/hetten  
wir vns wider fur dem Tod/noch einigem vn-  
gluck durffen furchten. Nu aber hat die Sun-  
de den Tod erein gebracht in die welt vber das  
gantze menschliche Geschlecht/das dafur nie-  
mand keinen augenblick sicher ist. Wo wiltu  
denn hin aus/wenn der kompt vnd holet dich?  
Die zu gehöret nu dis Reich Christi/welcher  
ist darumb ein ewiger König gesetzt/das er sey  
der D<sup>E</sup>RRN vber Sunde vnd Gerechtigkeit/  
vber Tod vnd Leben/damit sol sein Reich zu-  
thun vnd zu walten haben.

Das mek

Das meinet der Herr alhie/da ersagt/Ne  
met hin den heiligen Geist/welchen jr die Sün  
de erlasset/den sind sie erlassen/ Vnd welchen jr  
sie behaltet /den sind sie behalten. Die Hörestu/  
das er damit umbgehet/das er den Leuten von  
sunden helffe/oder sie darinn lasse stecken/vnd  
anzeige/das sie verdampt sind.

Die kan man ja nicht sagen/ Das er da  
mit habe ein weltlich Reich gestiftet/ Wie der  
Papist rühmet/ von seinen Bindeschlüssel vnd  
Löseschlüssel/ das er habe die macht zu lösen  
vnd zu binden/auch was nicht sünde ist/ Item  
was auch Christus nicht bindet oder löset/ Vñ  
hat also gar ein weltlich Gewalt daraus ge  
macht. Aber Christus deutet hie klar gnug/  
was seine Schlüssel sind/ Nicht Gesetz mach  
en/vnd widder auffheben/wie der Papist thut/  
sondern Sünde erlassen oder behalten.

Wil nu so sagen/ Darinn sol mein Reich  
stehen/ Erstlich/das die Lente erkennen / wie  
sie Sunder sind/Welches ich habe Mose befol  
hen zu leren vnd zu treiben/Nicht dazu/das ich  
sie binden wölle/ denn sie albereit gebunden  
sind. Wil auch nicht erst Sünde machen/noch  
mit gemachten Sunden umbgehen ( wie der  
Papist durch seine Gesetze vnd mit seinem Bin  
deschlüssel thut / macht sünde da keine sünde  
ist ) Sondern mit denen zuschaffen haben / so  
natürlich

natürlich Sunde sind/ wider Gottes gebot/  
Als nemlich/ Gottes verachtung vnd vnglaub  
be/ lesterung seines Namens/ verachtung sei  
nes worts/ vngehorsam zc. Welches sind  
nicht Sunde durch des Papssts gesetz gema  
chet/ sondern warhafftige/ die in fleisch vnd  
blut stecken/ vnd mit dem Menschen geboren  
sind/ die sich nicht lassen absoluiern noch weg  
nemen durch des Papssts Löseschlüssel/ wie  
er in brauchet/ sondern bleiben im Menschen  
bis in die Gruben.

Das man nu wisse/ wie man derselben mü  
ge los werden/ Dahin gehet Christus Reich.  
Darumb heisset ers auch allenthalben/ nicht  
ein weltlich oder irdisch Reich/ sondern das  
Himmelreich/ Denn es sol eben da an gehen/  
wenn dieses irdische auffhört (durch den Tod)  
das die Leute wissen/ wie sie als denn gen Him  
mel komen sollen. Solch Reich (spricht er) sol  
also gehen vnd stehen.

Gleich wie Mich der Vater gesand  
hat/ Also sende ich euch/ etc.

Das ist/ Jr Apostel/ vnd ewre Nachkom  
men bis zur welt ende/ solt meine Boten oder  
Gesandten sein/ durch welche ich regieren wil  
in der welt/ Also/ das jr eben das werck füret  
vnd vbet/ das ich gethan habe/ dazu ich auch  
komen bin/ nemlich/ das den Leuten von sün  
den vnd

den vnd Tod geholffen werde/welche die Sunde vnd den Tod fülen/vnd inen wollen helffen lassen. Vnd dagegen/welche solchs nicht annehmen/ in Sunden vnd zum Tod gebunden bleiben/ Das sol ewr Regiment vnd Ampt sein.

Vnter dis Regiment müssen sich geben alle die/so ire Sunde trücken/wollen sie anders der selben los werden / vnd das ewig Leben vnd Seligkeit erlangen. Denen befiht vns Christus zu sagen /das sie sollen getrost sein / vnd wissen/das er durch sein sterben vnd auffstehen das ausgericht habe/das inen alle ire Sunde vergeben vnd erlassen sein sollen. Hören sie solches vnd glaubens/so sind sie gerecht/heilig vnd selig/Denn ist die sunde erlassen/so hat der Tod kein Recht zu inen. Welche aber die Sunde nicht fülen/nach für dem Tod erschrecken vnd jmer hin in irem alten wesen vnd sause leben /denen sagen wir/aus Christus befehl/wollet jr nicht vergebung der sunden / gnade vnd ewiges leben/so bleibet jmer hin in sunden vngnade vnd Tod.

Wer kan aber außreden/welch ein vnaußsprechlicher mechtiger vnd seliger trost das sey/das ein Mensch dem andern / mit einem wort kan den Himel außschliessen / vnd die Welle zuschliessen/Denn in diesem Gnadenreich/das Christus durch sein Außerstehung gestiftet hat /

hat/thuen wir nichts anders / denn das wir  
den Mund auffthun / vnd sagen / Ich vergebe  
dir deine Sünde / Nicht von mir selbs / oder  
aus eigener gewalt / Sondern an stat vnd im  
Namen Ihesu Christi. Denn er spricht nicht  
also / Ir solt die sünde vergeben von ewren we-  
gen (wie denn auch kein Mensch kan Sünde  
machen oder behalten) Sondern also heisst es /  
Ich sende euch / wie mich der Vater gesand  
hat / Ich selbs hab es nicht gethan aus eige-  
ner walh oder rat / sondern bin vom Vater dazu  
gesand / Den selben befelh thu ich euch auch /  
bis ans ende der Welt / Auff das jr vnd alle  
Welt wisse / das solche vergebung oder behal-  
tung der sünden nicht geschehe aus Menschli-  
cher krafft oder macht / Sondern aus befelh  
des der euch sendet.

Das ist nicht allein von denen gesagt / die  
da Prediger oder Kirchendiener sind / sondern  
von allen Christen / Da mag ein jglicher den an-  
dern in Tods nöten / oder wo es sonst not ist /  
trosten vnd ein Absolutio sprechen. Wenn du  
nu von mir hörest solch wort / Dir sind deine  
sünde vergeben / so hörestu das dir Gott wil  
gnedig sein / von sünden vnd tod helffen / dich  
gerecht vnd selig machen.

Ja / sprichstu / Du hast mir wol die Absolu-  
tio gesprochen / Wer weis aber obs gewis  
vnd war bey Gott sey / das mir die Sünde ver-  
geben

geben sind? Antwort. So ichs als ein Mensch  
gesagt vnd gethan habe/ So magstu wol sa-  
gen/ Ich weis nicht/ ob dein Absolutio gilt  
vnd krefftig sey oder nicht/ Wie ich denn jr viel  
selbs gehöret habe/ die da in jrer letzten stund  
sagten/ Ich wolt gern alle mein Gut darumb  
geben/ das ich gewis wissen möchte/ das mir  
meine Sunde vergeben weren. Denn ob gleich  
der Mensch/ so die Absolutio spricht/ für sein  
Person from vnd warhafftig ist/ das helt denn  
stich nicht/ Ja wenn du in allein ansiehst vnd  
hörest als einen Menschen/ so mustu wol zweis-  
ueln/ vnd kanst auff seine Absolutio gar nicht  
bawen.

Auff das du aber der sachen gewis seiest/  
so mustu aus Gottes wort also vnterrichtet  
sein/ das du künst sagen/ Mich hat weder der  
Prediger/ noch sonst ein Mensch Absoluirt/  
So hat mich der Pfarrer nicht geheissen als  
so glauben. Sondern Gott hat durch in ge-  
red/ vnd solchs gethan/ des bin ich gewis/  
Denn mein Herr Christus hat solchs befol-  
hen vnd gesagt/ Gleich wie Mich der Vater ge-  
sand hat/ Also sende ich Euch. Da machet er  
die/ den er solchen Befehl gibt/ im aller ding  
gleich in der Sendung/ das sie von im gesand  
eben das thun vnd ansrichten sollen/ dazu er  
vom Vater gesand ist/ nemlich/ die sunde erlas-  
sen vnd behalten. Da hafftets/ vnd das thuts/  
Sonst on solchen befelch were die Absolutio  
nichts.

I h Bistu

Bistu nu trawrig vnd betrübt vmb deiner  
sunde willen/ vnd entsetzest dich fur dem tod /  
damit Gott die sunde ewiglich straffen wil/ vnd  
hörest von deinem Seelsorger oder ( so die Not  
so gros ist das du in nicht haben kanst) von dei  
nem nehesten Christen menschen / das er dich  
mit diesen oder der gleichen worten tröstet/ Lie  
ber Bruder/ oder Schwester/ Ich sehe/ das du  
blöde vnd verzagt bist/ furchtest dich fur Got  
tes zorn vnd gericht / vmb deiner sunde willen/  
die du fülest / vnd dir derhalb itzt so bang ist.  
Aber höre zu/ vnd lasse dir sagen/ Sey getrost  
vnd vnuerzagt/ Denn Christus dein Herr  
vnd Weiland/ der vmb der Sunder willen kom  
men ist/ sie selig zu machen/ hat befolhen beide  
durch ein öffentlich Ampt den beruffenen Die  
nern/ vnd in der not/ einem iglichen in sonder  
heit/ das einer den andern von seinet wegen trö  
sten/ vnd in seinem Namen von sunden los sol  
sprechen.

Wenn du (sage ich) solchen trost hörest/  
so nim in so mit freuden vnd dancksagung an/  
als hörestu in von Christo selbs/ Denn er hats  
so befolhen vnd gesagt / Wie mich der Vater  
gesand hat/ Also sende ich euch. Item/ Welch  
en jr die sunde erlasset zc. das ist/ Ir solt eben  
den selben Befelch vnd Ampt führen/ das ich  
gesuret habe. Ergreiftestu nu diese wort Chri  
sti/ so wird dein hertz gewis zu frieden gestelle  
auff gericht vnd getröstet/ vnd kanst denn frö  
lich sagen/

lich sagen/ Ich hab einen Menschen hören mit mir reden/ vnd mich trösten/ Fur sein Person wolt ich jm nicht ein wortlin glauben/ Ich glaube aber meinem D<sup>er</sup>rn Christo / der solch Reich der gnaden vnd vergebung der sunden gestiftet / vnd den Menschen solchen Befehl vnd gewalt gegeben hat / das sie in seinem Namen die sünde erlassen oder behalten sollen.

Darumb sol sich ein iglicher Christen gewenen / wenn in der Teuffel ansicht vnd ein gibt / Er sey ein grosser Sünder / er werde müssen verloren vnd verdampt sein &c. das er sich nicht lange mit jm beisse / noch allein bleibe / sondern gehe hin / oder lasse zu jm fordern / seinen Seelsorger / oder sonst ein guten Freunde / zu dem er sich guts versihet / vnd klage jm sein not vnd anliegen / vnd suche rat bey jm. Vnd gründe sich darauff / das Christus hie spricht / Welch en jr die sünde erlasset / vnd anderswo / Wo zween oder drey versamlet sind in meinem Namen / da bin ich mitten vnter jnen. Vnd was jm denn der saget / in Christus Namen / aus der schrift / dem glaube er / Wie er nu glaubt / so widerferet jm / Glaubet er der Absolutio damit er in los spricht von seinen sunden im Namen Christi / so ist er absoluirt / &c.

Denn aber komen zween oder mehr zusammen in Christus Namen / wenn sie handeln / nicht von leiblichen sachen / wie man gelt oder gut erwerben oder gewinnen sol / oder sonst

**I** ist von leib

von leiblichen dingen/die dis zeitlich leben be-  
treffen/ Sondern wenn sie mit einander han-  
deln was zur besserung vnd seligkeit der Seelen  
dienet. Als wenn du in der Beicht oder sonst/  
anzeigest deine gebrechen vñ anfechtung/ vnd  
der/dem du es klagest mercket/ das dich Mo-  
ses durchs Gesetz zwischen die Sporn gefasset  
hat/das die Sünde dich beisset vnd drücket/  
der tod dich engstet vnd schrecket/ vnd du seuff-  
tzezt vnd klagest vber dein eigen Leben/da denn  
solche wort pflegen zugefallen/ Ah das ich nie  
geborn were/ Item. Ah das mir Gott mein  
leben wolt fristen/ ich wolt mich bessern ꝛc.  
Wie jener knecht im Euangelio auch thet/ der  
sein Herrn zehen tausent Pfund schuldig war/  
vnd spricht/ Herr habe gedult mit mir/ ich wil  
dirs alles bezalen?

Wenn denn dein Pfarher /oder wer es nit  
ist/ anfehet vnd tröstet dich / nicht weltlicher  
weise/ Thuts auch vmb keins gelds willen.  
Wieder Bapst/ der da sagt/ Er habe macht  
vnd recht zu lösen vnd zu binden / aber nicht  
eher du gebst im denn geld für seine Briene ꝛc.  
Sondern weil er sihet/das dir angst vnd bang  
ist/ für schrecken der Sunde vnd des Tods/  
vnd spricht denn zu dir/ Lasse faren alles was  
auff Erden ist/ gelt/ gut/ aller Menschen thun  
vnd leben/ Darauff aber habe itzt acht/ Dein  
hertz ist in grossen engsten/ vnd gedenckt/ Wie  
werde

werde ich meins leibs jamers vnd böses gewis-  
sens los / Wie entlauff ich Mose mit seinen stof-  
fenden Dörnern. Die (sage ich) höre jm zu /  
wenn er auff die weise oder der gleichen mit dir  
redet / Ich sage dir im Namen des **DErrn**  
**Christi** / der für deine sünde gestorben ist / das  
du dich solt trösten lassen / glauben vnd sicher  
sein / das dir deine sünde vergeben sind / vnd der  
Tod dir nicht schaden sol.

Ja lieber (sprichstu) wie wiltu es bewei-  
sen / das solchs also sey / Antwort. Christus vn-  
ser **DErr** hat zu seinen Jüngern / vnd der ganz-  
tzen Christenheit / gesagt / Ich befelhe vnd heis-  
se euch / das jr die sünde vergeben oder behal-  
ten sollet. Was jr nu solchs thuet / das thuet jr  
nicht von euch selbs / Sondern weil jrs thut  
aus meinem befelth vnd geheiß / so thu ichs  
selbs.

Nu ist Pfarher oder Prediger / als dein  
Seelsorger / oder auch ein iglicher Christen / in  
solchem Falle / gefordert vnd gesand / das er  
dich trösten sol. Darumb bistu eben so wol  
schuldig / in dem / weil er nichts suchet / denn  
deiner Seelen seligkeit / jm zu glauben / als stun-  
de Christus selbs da / legt dir die hand auff /  
vnd spreche dir eine Absolutio. Denn so spricht  
er / Ich sende euch / das ist / Ich gebe euch vol-  
kommen Befelth vnd Macht / das zu thun / dazu  
ich vom Vater gesand bin vnd selbs gethan / ha-  
be. **Data**

be. Darumb so dir jemand die hende aufflegt  
vnd vergebung der sünden aus solchem befelch  
Christi verkündiget / so gilts eben so viel / als  
hette es Christus selbs gethan / Sonst behüete  
mich vnd jederman Gott dafur / das wir vns  
des thürsten / on sein geheiss / vnterstehen.

Sihe / das ist die weise mit Sünden vmb  
zugehen / sie zu lösen vnd zu vergeben. Sonst ist  
kein rat oder hülffe dafur / Wie der Paps mit  
seiner Lügenlere furgibt / weiset die Leute auff  
ir eigen werck oder gnugthuen / heisset sie lauff  
en in Clöster / zu S. Jacob / gen Rom / zun Heili  
gen / sich selbs Casteien / Kirchen bawen / grosse  
Stift vnd Clöster stifften / Messe halten / Ab  
las lösen zc. das sind nicht die wege dazu. Lege  
solch dein lauffen / geld vnd werck anders vnd  
besser an / sonst ist es eitel verloren mühe vnd er  
beit. Die gehets also zu (wie gesagt) wenn Mo  
se seine Dörner auffsetzet / vnd dich damit stös  
set / das ist / durchs Gesetz dir deine sünde offen  
baret vnd anzeiget / wie gros vnd viel ir sind / vñ  
dich also in gros erschrecken vnd zagen füret /  
da du denn nicht mehr vnter dem grossen ruchs  
losen verstockten Dauffen bist / Sondern vnter  
dem Deufflin / die ir elend vnd jamer erkennen  
vnd fülen / vnd derhalb auch wol fur ein ransch  
endem blat erschrecken / da ist allein diese hülffe  
Ich ich habe (spricht Christus) ein Reich der  
Gnaden gestiftet / das sol sich streffen vnd wurtz  
gen mit

gen mit Sünde vnd Tod / sie beide verschlingen  
vnd gerechtigkeit vnd leben bringen.

Darumb sage nicht / Wo werde ich das fin-  
den: Sol ich gen Rom oder gen Jerusalem dar-  
nach lauffen: Nicht also / Ja wenn du auch an  
einer gülden Leitern / wens möglich were / gen  
Himmel kündest steigen / würde nichts draus.  
Sondern also mus es zugehen / Sibe auff sein  
wort vnd befehl / da er spricht / Ich sende euch  
zc. Als solt er sagen / Ich mus am ersten zu euch  
komen / meins Vatern willen durchs Euangell  
um euch verkündigen / die heiligen Sacrament  
vnd die Absolutio stifften / solt jr anders zu mir  
komen. Nu ich aber leiblich nicht an allen Or-  
ten in der gantzen Welt sein kan / auch nicht  
jmerdar Personlich gegenwertig bey euch sein  
werde / So thue ich also / wie mein Vater ge-  
than hat / Der nam fur sich ein kleinen Winck-  
el auff Erden / nemlich das Jüdischeland / da  
sand er mich hin / das ich da solt Prediger sein.  
Da wandelt er durch Galilea vnd Judea / so  
viel kund er personlich bestreiten. Was thet er?  
Das Euangelium prediget er / zu trost den ar-  
men Sündern im Jüdischen Volck / macht die  
Krancken gesund / wecket die Todten auff zc.

Das was sein befolhen werck / dazu er  
vom Vater gesand war. Da lies er sich finden /  
nicht zu hofe vnter den Schwelgern vnd Sew-  
en / nicht bey Annas / Caiphas / vnd andern  
K heiligen /

heiligen/reichen/weissen etc. Leuten / sondern vnter den Blinden/Lamen/Bluffsetzigen/Tauben/Todten/vnd verfürten armen betrubten Scheflin, den hilfft er an Leib vnd Seele. Bringt in den aller tewresten Schatz, den niemand hat/viel weniger geben kan / er empfabe in denn von jm/nemlich/gerechtigkeit vnd seligkeit.

Solches ( spricht er alhie ) solt jr auch vben / an allen Orten wo jr hin kompt. Vnd eben dazu sende ich euch / das jr lauffen sollet ( als meine Boten ) durch die gantze Welt. Dazu neben vnd nach euch auch andere setzen vnd ordenen die da lauffen vnd predigen / vnd eben das thun / dazu ich vom Vater gesand / vnd ich euch gesand habe / bis ans ende der Welt. Vnd ich wil jmer dabey sein / das jr wissen sollet / das jrs nicht seid / die es thun / sondern ich durch euch.

Aus diesem befelch haben auch wir macht / die betrubten Gewissen zu trösten / vnd von den sünden los zu sprechen / vnd wissen / wo wir solch Ampt vben / das nicht wir / sondern Christus selbs thut. Darumb sol ein iedlicher Christen / in diesem Falle / so wol / als auff der Kanzel / den Pfarrher oder Prediger nicht als einen Menschen / sondern als Gott selbs hören. So kan er denn gewis sein / vnd darff da / an gar nicht zweineln / er habe vergebung der sünden. Denn Christus hats durch seine Auferstehung 9/10

hung also gestiftet/das/so ein beruffen Kirch  
endiener/oder wer es nu ist/in der not/seinem  
Nehosten/der engstig ist/vnd trost begert/ein  
Absolutio spricht/das sol so viel gelten als bet-  
te ers selbst gethan/Denn es geschicht aus sei-  
nem befehl/vnd in seinem Namen.

Darumb wenn zweeh auff diese weise mit  
ein ander handeln/so sind sie in Christus Na-  
men versamlet/Denn (wie auch droben ge-  
sagt) keiner sucht des andern geld oder gut/  
wie die Bapstschürling thun/die also dem  
Krancken zusprechen. Lieber Mensch/Die zeit  
ist nu fur handen/da du sterben solt/Wo sol  
dein Gut hin? Bedenck dein arme Seele/  
vnd gib vns ein Teil/so wollen wir Gott fur  
dich bitten/vnd viel guts nachthun etc. Son-  
dern so redet er mit dem Krancken/Es ist itzt  
nicht zeit von gelt vnd gut zu handeln/Lasse  
andere dafur sorgen. Ich sehe wol das dein  
hertz verzagt vnd erschrocken ist/ringest mit  
verzweinelung/vnd kanst dir nicht helffen/  
noch dich er aus vntrecken. Aber Christus hat ein  
eröstlich vnd selig Reich gestiftet auff Erden/  
da er spricht/Wie mich der Vater gesand hat/  
Also sende ich euch/da hat er vns alle zu Prie-  
stern geweihet/dazu/das einer dem andern sol  
vergebung der sunden verkindigen.

Darumb kome ich zu dir/im Namen des  
selben vnsers Herrn Christi/vnd sage dir/Du  
solt nicht

solt nicht so zittern/ beben noch zagen/ als sey  
kein trost/ hülffe vnd rat mehr da/ Wörestu  
wol/ Christus spricht/ Er sey vmb der Sunder  
( nicht Gerechten ) willen komen/ sie selig zu  
machen. Darumb sey zu frieden/ nim solche  
fröliche Botschafft mit freuden an/ vnd danck  
im von hertzen dafür/ die er dir durch mich/  
on alle dein mühe vnd vnkost leyst verkundigen/  
Dazu weiter befehl gibt/ dir die sünde zu erlass  
en. Darumb spreche ich dich auch los vnd les  
dig von allen deinen sünden / im Namen des  
Vaters/ Sons vnd heiligen Geists / Dazu  
sprich mir frölich/ Ich dancke dir barmhertzi  
ger Gott du himlischer Vater/ das du mir mei  
ne Sünde vergeben hast/ durch deinen lieben  
Son Christum/ vnd zweifel nicht/ du seiest ge  
wislich von Gott dem Vater selbs absoluir.

Aus dem siehestu/ das dieser Spruch/ von  
dem Ampt der Schlüssel gar nicht bestetiget/  
des Papssts tyranny/denn er ist dazu gesetzt/  
nicht das du mich/ oder ich dich reich mache/  
Oder ich dein Herr sey/ vnd du mir vntertan  
sein mustest / wie der Papsst wil ein weltliche  
pracht vnd macht hieraus machen/ als ein  
Ertzschalck vnd Gottsverrheter/ Sondern da  
hin gehet er. So ich zu dir come in deinen nö  
ten vnd engsten des gewissens/ dir/ in der letze  
ten stund/ oder sonst/ zu raten vnd helffen/  
vnd sage/ Gewalt/ Gelt/ Ehr vnd Gut itzt alles  
hin dan

hindan gesetzt/vnd auff ein Krewel gewunden/  
Wir haben itzt zu reden von dem Reich Chri-  
sti/dadurch allein/vnd sonst durch nichts/dir  
mus geholffen werden von sunden vnd tod.

Das heisst ja nicht ein eusserliche weltliche  
Herrschafft oder gewalt/sondern ein Dienst/  
Denn ich suche hiemit nichts bey dir/Sondern  
ich diene vnd bringe dir ein grossen theuern  
Schatz/nicht geld vnd silber / Sondern weil  
dein hertz begert sicher vnd getrost zu werden/  
vnd ein gnedigen Gott im Himel zu haben/  
kome ich zu dir/vnd bringe dir ein fröliche Bot-  
schafft/nicht aus eigener wahl oder gutdünck-  
en/sondern aus befehl vnd sendung Christi/  
der da spricht/ Kompt her zu mir alle die jr mü-  
heselig vnd beladen seid./ Ich wil euch erquick-  
en ec. Item/Was jr löset auff Erden / sol im  
Himel los sein. Oder wie er hie saget/Welchem  
jr die sunde erlasset/ den sind sie erlassen.

Weisst das nicht gedienet vnd vmb sonst  
gebracht einen vnansprechlichen himlischen  
ewigen Schatz/den weder du noch die Welt/  
mit alle jrem gut vnd reichthumb nicht bezalen  
kan? Denn was sind aller welt Schetze/vnd  
aller könige Kronen/geld/silber/edelstein/vnd  
was die Welt hoch achtet / gegen diesem  
Schatz/der da heisst vergebung der Sunden/  
dadurch du von des Teuffels/Tods vnd der  
R. iij. Dellen

Wessen gewalt wirst gefreiet / vnd versichert /  
das Gott im Dniel dir nu wolle gnedig sein /  
vnd also gnedig / das du vmb Christus willen /  
sein Kind vnd Erbe / vnd Christi Bruder vnd  
Witterbe solt sein. Darumb ist nicht müt-  
lich solchen tewren Schatz vmb gelt zu verkauf-  
fen / oder mit gelt zu bezalen / Wie vnser Judas  
Isharioth der Bapst gethan hat. Er mus  
lauter vmb sonst gegeben vnd empfangen wer-  
den / Oder du bist sein nicht gebessert / Denn  
Gottes gabe wird durch gelt nicht erlangt.  
Act. 8.

Das rede ich aber nicht derhalben / das man  
den Kirchendienern / so Gottes wort rein vnd  
trewlich leren / nichts geben sol / Wie man itzt lei-  
der gern thet / Vnd viel bereit / leider / sind / die  
jren Pfäbern alle bitten in halszelen / vnd wie  
sie können der Kirchen vnd Pfarrhen güter zu  
sich reissen / vnd also mit der that beweisen / das  
sie gern wolten jre Pfärher anhangern / vnd  
jr los sein. Was aber fur ein wilt wesen vnd ja-  
mer daraus erfolgen werde / wird man in kurtz  
erfaren / wo die Oberkeit nicht drein sithet.  
Nein / das ist die meinung gar nicht / Man  
sol jnen vnterhaltung geben / Denn haben sie  
nicht essen / trincken / kleider / haus vnd hofe /  
so werden sie jrem Ampt nicht lang können fur-  
stehen / sondern müssen darauff dencken / wie sie  
sich erneeren / So wird das Evangelium nicht  
lang bleiben / welches auch der Teuffel da-  
durch suchet. Das man

Das man aber schuldig sey inen vnterhaltung zu geben/leret Christus selbs/da er spricht Lu. 10. Ein Arbeiter ist seins Lohns werd. Vnd S. Pau. Gal. 6. Der vnterrichtet wird, mit dem wort/ der teile mit allerley gutes / dem der in vnterrichtet. Vnd setzet ein hart wort dazu/ Irret euch nicht/Gott leßt sich nicht spotten. Vnd 1. Timoth. 5. Die Eitesten / oder Priester / die wol furstehen / die halt man zwifacher Ehren werd / Sonderlich die da arbeiten in wort.

Versorget man nu andere so in weltlichen Eimptern sind / darin sie der Gemeine dienen / das sie ires diensts warten können. Viel mehr ist man schuldig solchs zu thun / den Dienern des worts / Denn S. Paul sagt / das sie fur andern zweyerley Ehren werd sind. Vnd weß man solches auch mit allen trewen vnd willig thut / sol man sprechen / Das gelt oder Korn / so wir vnserm Pfarrher / Prediger ꝛc. geben / geben wir nicht vmb der Predigt oder Absolutio willen / welchesind nicht jr / sondern Gottes / drumb sie sie auch vmb gelt nicht verkeuffen können. Aber weills Gott also geordnet hat / das wir sein wort vnd Sacrament durch Menschen hören vnd empfaben sollen. So müssen wir / vnd wollen auch gern / zusammen thun / inen ire vnterhaltung geben / damit sie ires diensts warten können. Sonst würden sie nicht lang predigen / vnd wir das Euangelium nicht lang hören können ꝛc.

Vnd ist

Vnd ist auch die warheit/ denn sol die les-  
re des Euangelij / rein auff der Cantzel blei-  
ben/ das auch vnser Nachkomen haben vnd  
hören mügen/ So ist man nicht allein schül-  
dig/ die Kirchendiener zu versorgen/ Son-  
dern auch mit allem vleis daran zu sein / das  
die Schulen mit tüchtigen Personen bestellet  
werden/ den man ire vnterhaltung auch trew-  
lich reiche / Da mit Leute mögen auffgezogen  
werden/ die nicht allein schlechte gemeine Pre-  
diger sind/ geschickt die Christliche gemeine im  
wort zu vnterrichten/ sondern auch sonderliche  
gelerte Leute/ die nicht allein lernen/ sondern  
auch den Kotten vnd falschen geistern stewart  
vnd weheren können. Dazu solten helffen vnd  
geben willig vnd gern/ nicht allein Fürsten vnd  
Herrn/ sondern auch bürger vnd baw etc.

Denn jr könd aus dem / das jr gehöret  
habt / selber bedencken / was für ein grosser  
thewer Schatz es ist/ das Euangelium oder Ab-  
solutio/ mit rechtem verstand / vom Pfarrher  
etc. hören. Kömpt er zu dir in deiner Kranckheit  
vnd tröstet dich/ so soltu gewislich dafür hal-  
ten/ das Christus der Herr dich selbst besuche  
vnd tröste. Denn niemand thürste nimmermehr  
also zu dir komen/ on seinen Göttlichen befehl/  
wüste dir auch weder zu helffen noch raten.  
Weil du aber hörest/ das er solchs selber befel-  
het/ so kanstu gewis vnd frölich sagen./ Da  
kömpt Christus selber zu mir/ in meinem Bei-  
chtwater/

ebtuater / Denn er redet nicht sein / sondern Gottes wort / dazu er gesand ist / vnd des befehl hat.

Da höret denn das schrecken vnd zagen des Gewissens auff / vnd wird der Mensch fein getrost vnd zu frieden / Darff nicht schweben noch pampeln / wie vns des Papssts Lere gewiesen hat / welche niemand absoluir von sünden / er hette denn gnug gerewet vnd rein gebeichtet. Da ward nicht mit dem geringsten wörtlin gedacht des glaubens vnd der krafft der Schlüssel / von Christo eingesetzt / Denn solche Lere vnd erkenntnis war so gar unbekand worden / das ich selbs / als ein Doctor ( der es ja solt besser gewusst haben ) nicht anders gehalten vnd gelernt habe / denn / wenn ich gnug gerewet vnd gebüffet hette / so würden mir die Sünde vergeben. Aber wo die Sünde nicht ehe vergeben werden / denn bis sie durch vnser reu / busse vnd gute werck yberwogen werden / so haben wir gar keiner vergebung zu hoffen / Denn ich kan nimmermehr bey mir schliessen / das meine reu vnd busse gnugsam sey / Drum kan mich auch niemand darauff absoluirn vnd losprechen er heisse Papsst / oder wie er wolle.

Also sind durch des Papssts lügen die Gewissen kleglich verführet / von dem wort des glaubens / vnd dem befehl Gottes / auff jr vngewisse Reu vnd busse / Das hat geld heuffig getrag  
L gen /

gen/ Daher auch sind so viel Kirchen/ Clöster/  
Stifft/ Capellen/ Altar gebawet/ vnd reich-  
lich begabt/ vnd sind noch des Papssts Bul-  
len vnd Briene fur handen/ die darauff weisen  
vnd solches bestetigen/ dadurch er hat alle welt-  
femerlich betrogen/ das niemand den schaden  
vnd jamer der daraus entstanden ist/ gnugsam  
bedencken/ wil geschweigen ausreden kan.

Darumb vermanen wir trewlich vnd jmer  
dar/ das helffe / wer da helffen kan / das man  
Schulen / Pfarrhen vnd Predigstuel erhalte/  
das solcher oder erger/ wie denn gewislich der  
Teuffel mit vmbgeheth/ irthumb nicht widder  
einreisse. Sol man aber solchem vnglück zu-  
vor komen / kans nicht anders geschehen/  
denn das die liebe Jugent recht vnd Christlich  
geleret vnd auffgezogen werde / die an vnser  
stat/wenn wir nu das Denbt legen/ vnd schlaf-  
fen/trette/ vnd die rechte lere dem Volck nicht  
allein furhalt/ vnd mit allem vleys einbilde/ son-  
dern auch erhalte wider die Rotten vnd Falsche  
Lerer. Es ist ein seer grosse gnade/ wenn der  
Predigstuel versorget ist/ mit Personen/ die das  
wort recht vnd rein leren. Aber es müssen da  
neben auch Leute sein / die die Lere verteidin-  
gen/ vnd den Kettern wehren/ das sie durch sie  
nicht verfelscht werde/ Dazumus man Schu-  
len erhalten/ daraus solche Leute komen / die  
vber der Lere streiten können.

Wenn

Wenn man nu dazu hilfft vnd gibt / 5 13  
man solche Leute haben kan / die recht leren /  
Item / die betrübten / aus Christus befehl / trö-  
sten / wie gesagt / vnd den Wolffen wehren / kön-  
nen / sie auch mit vnterhaltung wol versorget /  
Sol mans nicht für eine bezalung rechnen / son-  
dern für ein Lob oder Danckopffer / das man  
Gotte schuldig ist. Vnd daneben auch mit  
allem ernst bitten / wie vns Christus verma-  
net / das er solche Erbeiter wolle in seine Ernd-  
ten senden / An Lerern feilet nicht / Aber sol-  
lens rechtschaffen sein / so mus er's senden &c.

Sibe das ist recht vom Reich Christi vnd  
Ampt der Schlüssel geleret vnd geglenbet / vnd  
so wir vns darnach richten / so bleiben wir Chri-  
sten / vnd können vns schicken in alle sachen ge-  
gen Gott vnd Menschen / Wir werden auch  
Gott von hertzen dancken / das er vns von des  
Papsz Zwang vnd Tyranny erlöset hat /  
der aus der Schlüssel gewalt ein lauter pracht  
vnd weltliche Herrschafft gemacht hat / Die  
doch allein dazu gestiftet vnd geordenet ist  
von Christo / der gantzen welt zu helffen / zu sol-  
chem Schatz / den man mit keinem Geld noch  
Gut bezalen kan. On das man sich sol freund-  
lich vnd danckbar erzeigen gegen die / so solch  
Ampt führen / als die zwifacher ehr werd sind.

1. Timoth. 5.

So lasst vns nu vnserm lieben DERN  
E ij Christo

Christo danckbar sein/der durch seine Außer-  
stehung solch Reich der gnaden gestiftet hat/  
das da hin gerichtet ist/Das wir darin/in allen  
nöten vnd engsten/on vnterlas/ gewisse hülffe  
vnd trost sollen finden. Vnd dürffen solchen  
teuren Schatz nicht weit holen/noch mit gro-  
sser mühe vnd vnkost darnach lauffen/ Son-  
dern er hat befelh vnd volle macht gegeben sei-  
nen Aposteln vnd allen jren Nachkömen /vnd  
in der not/einem jglichen Christen/ bis ans en-  
de der Welt/das sie die schwachen vnd verzag-  
ten trösten vnd stercken/ vnd in seinem Namen  
diesunde erlassen sollen etc. Davon auff dis mal  
gnug. **Von S. Thoma etc.**

**W**iter schreibet der Euangelist Johan-  
nes/das Thomas nicht sey dabey ge-  
wesen/da der Herr zum ersten den Jün-  
gern semplich erschienen ist / am Ostertag zu  
abend. Nu das der Herr eben kömpt / das  
Thomas zum ersten nicht da ist/ ist on ursach  
nicht geschehen/ Denn er hette wol die stun-  
de können treffen/das er Thoman sampt den  
andern Aposteln beinander funden hette. Es ist  
aber geschehen/vns beide zur lere vnd zu trost/  
Auff das die Außerstehung des Herrn deste  
mehr vnd stercker Zeugnis vnd Vrkund hette.  
Nu am Ostertag ist er den Fülffen semplich er-  
schienen/Den achten tag hernach/als heute/  
erscheinet er jnen abermal/vnd zu gleich Tho-  
me/vmb

me/vmb welches willen auch allein diese Erscheinung vnd offenbarung /die schöner vnd herrlicher ist/ denn die vor acht tagen/ geschehen ist.

Wir sehen aber zum ersten hie/wie ein armding es ist vmb ein menschlich hertz/ wenn es beginnet schwach zu werden/das mans nicht kan wider auffrichten. Es hatten beide die andern Apostel vnd Thomas/die zeit vber/da sie bey dem D<sup>er</sup>rn gewesen/ gehört/das er nicht allein mit grosser gewalt das Volck geleret/dar nach auch gesehen/wie er seine lere mit grossen Wunderzeichen bekrefftiget hatte / die er thet an den Blinden/Lamen/Auffetzigen/Tauben zc. die er gesund machte/Sondern auch das er drey Todten aufferwecket hatte / Sonderlich Casarum/der schon vier tage im Grabe gelegen war. Vnd vnter allen/wie es scheint / war S. Thomas der feckste vnd mütigste/ das er auch saget Johan. 11.( da Christus wolt wider in Judeam gehen zum verstorben Casaro) Lass vns mit jm zihen das wir mit jm sterben. Solche feine Lente/als die Apostel Christi/vnd sonderlich S. Thomas/welcher scheint/ das er für den andern ein manlich hertz gehabt habe/vnd dazu erst newlich gesehen/wie Christus Casarum/der schon vier tage im Grab gelegen war/aufferweckt hatte /vnd mit jm gessen vnd getruncken / Noch können sie nicht glauben/das der D<sup>er</sup>rr selbs von Todten aufferstand vnd lebendig sey.

Also sehen wir an den Aposteln / wie gar wir nichts sind / wenn Er die Hand abzeucht / vnd wir vns selber gelassen sind. Es hatten die Weiber / Magdalena vnd die andern / vnd itzt die Apostel selbs verkündiget / das sie den Herrn gesehen hetten auferstanden. Noch setzet S. Thomas seinen kopff auff / vnd wils nicht glauben / ja auch nicht zu frieden sein / wenn er in gleich sehe. Es sey denn / das er in seinen Wunden sehe die Nagelmal / vnd lege seine Finger in die Nagelmal / vnd seine Hand in seine Seiten.

Vnd wil also der liebe Apostel selbs verloren vnd verdampft sein / damit das er nicht wil glauben. Denn da kan keine vergebung der sünde noch seligkeit sein / so man diesen Artikel / von der auferstehung Christi / nicht glaubet / weil darin ligt alle krafft des glaubens vnd des ewigen Lebens / wie S. Paul. 1. Cor. 15. saget / So Christus nicht ist auferstanden / so ist vnsere Predigt vergeblich. So ist auch ewer glaube vergeblich. So seid jr noch in ewren sünden. So sind auch die / so in Christo entschlaffen sind / verloren &c. Da wil S. Thomas auch hin / wil nicht selig / sondern verloren sein / weil er nicht wil glauben das Christus auferstanden sey. Vnd were auch in solchem vnglauben verdorben vnd verdampft / wenn jm Christus nicht hette durch diese offenbarung / daraus gehoffen. So zeiget

So zeiget vnd leret vns nu der heilige Geist/  
In diesem Exempel/das wir an den glauben/  
schlecht blind vnd gar verstockt sind. Wie in  
der heiligen Schrift allenthalben zu sehen ist/  
das ein menschlich hertz/das hertest ding ist/  
vber alle Stabel vnd Demant. Vnd wider-  
umb wenn es auch blöde/verzaget vnd weich  
wird/so ist kein wasser noch öle so weich als des  
Menschen hertz.

Des findestu viel Exempel vnd Historien  
in der Schrift. Pharao / für welchem Mose  
so viel schrecklicher Zeichen vnd Wunder that/  
das er nichts da wider sagen kund/ ja greiffen  
musste/das Gottes finger were / vnd der halb  
auch bekandte/er hette sich an Gott vnd sei-  
nem Volck; versündigtet etc. Noch ward sein  
hertz je lenger je mehr verhertet vnd verstockt/  
Bis der DEXX in/sampt aller seiner Macht/  
mitten ins Meer stürtzete.

Also auch die Jüden/Je mehr Christus  
beide durch Wort vnd That gewaltiglich be-  
weistete/das er der were/der jren Vetern verhei-  
ssen were/das er sie/vnd alle Welt segenen solt/  
Je hefftiger vnd bitterer sie widder in erzürne-  
ten/vnd war jrs hasß/lesterns/vnd verfolgens  
kein mas noch ende/bis sie jren DEXX vnd  
Gott/zu dem aller schmelichsten tod / als ein  
Gottslesterer vnd Auffrörer verurteileten / vnd  
zwischen

zwischen zweien Vbelthetern crentzigten. Da halff nichts fur / Ob wol Pilatus der Richter selbs / wider sie / in vnschuldig sprach. Die Creaturn sich anders stelleten / denn gewonlich / vnd damit bezengeten / das jr DEXX vnd Schöpffer da am Crentz hienge zc. Item der Schecher frey öffentlich bekennete / ob er wol da hienge vnd stürbe / dennoch ein König were / der ein ewig himlisch Reich hette? Vnd der heidnische Deuptman öffentlich rieß / Warlich / Dieser ist Gottes Son gewesen zc. Dis alles / sage ich / halff nichts / sie zu bekeren.

Also pflaget die Gottlose verdampfte Welt allzeit zuthan / Je mehr jr Gott gnade vnd wolthat erzeigt / je vndanckbar vnd erger sie wird. Itzt solten wir billich alle Gott von hertzen dancken / das er vns sein heiliges wort so rein vnd klar / vor dem Jüngsten tage / offenbart hat / dar aus wir erkennen / was fur vnaussprechliche Güter er vns in Christo geschenckt hat / nemlich / das wir durch in / von sünde vnd tod erlöset / nu gerecht vnd selig sollen sein zc. Wie stellt sich die Welt dazu? Wie sie pflegt. Weis nicht gnug zu schenden / lestern vnd verdammen solch wort der gnaden vnd Lebens / vnd die so es bekennen zu verfolgen / vnd würgen / wo sie kan.

Vnd ob sie gleich höret / Gott werde solche sünde greulich straffen / mit hellischem Feur vnd ewis

vnd ewiger verdamnis / keret sie sich nicht so  
viel dran / gehet sicher vnd verstockt dahin / als  
sey es lauter nichts / vnd hats jren spot / wie man  
itzt wol sibet / am Papsst vnd seinem Dauffen.  
Vnd ist doch so grentlicher schrecklicher zorn /  
dafur sich alle Creatur entsetzen. Darumb ist  
gewislich war / das kein Stein / Stabel / Des  
mant / Ja kein ding auff Erden so hart ist / als  
eins vnbusfertigen Menschen hertz.

Widerumb auch / wenn ein hertz verzagt  
vnd erschrocken wird / so ist es weicher denn kein  
wasser noch ole / das sichs auch fürchtet ( wie  
die Schrift sagt ) fur ein rauschenden Baum  
blat. Vnd wo ein solcher allein ist in einer Kam-  
mer / vnd das Gesperr oder Balcken ein wenig  
krachen höret / so meinet er / es schlahe Blitz  
vnd Donner zu jm ein / vnd kömpt in solch  
angst vnd zagen ( wie ich jr viel gesehen habe )  
das in niemand trösten noch auffrichten kan /  
vnd sind denn alle Predigt vnd Trostsprüche zu  
wenig in zu stillen. So gar hat es keine mass  
mit des Menschen hertzen / Entweder gar zu  
stock vnd stein hart / das es weder nach Gott  
noch Teuffel gar nichts fragt / Oder wider-  
umb gar zu verzagt / flüchtig vnd verzweiuelt.

Also sind alhie die Apostel / so zuscheuche  
vnd erschrocken / durch das ergernis / das sie  
den Herrn sehen so jemerlich verspottet / ver-  
M spelet /

speiet/zugeiffelt/zustochen /vnd endlich auff  
aller jemerlichst gecreutzigt/das sie kein Dertz  
im leib mehr haben. Die doch zumor / weil sie  
Christum bey sich hatten/ so keck vnd mütig  
waren/das Jacobus vnd Johannes/sich vn-  
terstünden zu gebieten/das feur vom Himel  
solt fallen / vnd die Samariter verzeren/ die  
Christum nicht wolten auffnehmen. Vnd gar  
herrlich wusten zu rhümen/Das jnen auch die  
Teuffel vnterthan weren/im Namen Jhesu.  
Vnd Thomas die andern vermanete / vnd  
sprach/Lasset vns mit zihen/das wir mit jm ster-  
ben. Vnd Petrus für den andern sonderlich/  
flugs mit dem Schwerte vnter den Dauffen  
schmeißt /da sie Christum angreifen vnd fa-  
hen wolten. Aber itzt liegen sie /für grosser für-  
cht vnd schrecken verschlossen/vnd wollen nie-  
mand zu sich lassen.

Daher sie sich auch entsetzen für dem  
D<sup>E</sup>rrn/da er zu jnen kömpt/vnd sie grüßet/  
Vnd sie doch meinen (welchs ja ein anzeigen  
ist /das sie gantz vnd gar erschrocken vnd vers-  
zagt sind ) sie sehen ein Geist oder Gespenst. So  
bald haben sie vergessen aller Mirakel/Zeichen  
vnd Wort/so sie von jm gesehen vnd gehört hat-  
ten. Das der D<sup>E</sup>rr die viertzig tag/nach seiner  
Aufferstehung/ehe er von jnen scheidet / gnug  
zuthan hatte / mit erscheinen vnd offenbaren  
auff mancherley weise itzt den Weibern/itzt den  
Aposteln

Aposteln/ beide sonderlich vnd semplich/ Ihesu  
vnd trincket dazu mit inen/ Alles darumb das  
sie gewis sollen sein / Er sey auffgestanden /  
Noch wils inen schwerlich eingehen.

Item da er die viertzig tage/ vber das/ mit  
inen aus der Schrift geredt hatte/ vom Reich  
Gottes / das nu solt angehen / vnd ein solch  
Reich sein/ darin verkündiget solt werden / in sei-  
nem Namen / Duss vnd vergebung der sun-  
den/ vnter allen Völkern/ Deben sie an / vnd  
fragen in/ da er itzt von inen in einer Wolcken  
solt auffgenommen werden / vnd sprechen /  
Wiltu nu das Reich Israel wider auff-  
richten? Daben viel ander gedancken vom  
Reich Christi/ denn er inen dauon gesagt hatte.  
Da sibestu/ wie vberaus vnd schwer es ist/ das  
blöde verzagte hertzen / getröstet vnd auffge-  
richtet/ vnd darnach recht vnterrichtet werden/  
das sie wissen/ was Christus fur ein König sey /  
vnd was er durch seinen Tod vnd Auffste-  
hung ausgericht habe / Bis der heilig Geiſt  
kômpt zc.

So ist nu beide die verstockung vnd blödig-  
keit menschliches hertzen/ vnansprechlich. Auf-  
ser der fabr ist's on alle mass so hart vnd versto-  
ckt / das es keins Gottes zorns noch drowens  
achtet. Wens schon lang höret/ Gott werde die  
sunde mit ewigem tod vnd verdammis straffen/  
hilffts nichts/ feret jmer fort/ erseufft in Dofz  
M ij fart/

hart/Geitz zc. Widerumb kömpts dahin/das  
es sich beginnet zu fürchten/ wirds so blöde  
vnd verzagt/das mans nicht kan wider zusa-  
men bringen. Das ist ja ein grosser jamer /das  
wir so heillose Leute sind/ Ist keine not fur han-  
den/ so leben wir sicher dahin in sünden/on als  
le fürcht vnd schew/ Ja starren wie ein todter  
Leich/was man vns sagt/ ist eben so viel / als  
sagt mans wider einen Felsen.

Da gegen/wendet sichs mit vns/das wir  
vnsrer sünde fülen / fur dem Tod/Gottes zorn  
vnd gericht erschrecken / erstarren wir wider-  
umb fur grosser angst vnd traurigkeit/das vns  
niemand kan wider auffrichten/ ja wir erschre-  
cken auch fur dem/das vns trösten sol/wie die  
Jünger fur Christo erschracken/der eben dar-  
umb zu inen kam/das sie solten getrost vnd frö-  
lich werden/Gleichwol bringt er sie nicht bald  
zu recht/hat an inen zu flicken die viertzig tage  
vber/wie gesagt/ nimpt vnd braucht allerley  
trost vnd ertzney/vnd kan inen dennoch kaum  
wider auffhelffen/Bis so lang er inen den rech-  
ten starcken tranck gibt/Nemlich/den heiligen  
Geist/danon sie gar truncken werden/vnd vber-  
gehen in der liebe Gottes/das sie nicht mehr/  
wie vor/blöde vnd erschrocken sind.

Daraus sehen wir/welche Trosts bedürf-  
fen/nemlich die/ so ire Sunde/elend vnd verz-  
dammnis

Samnis erkennen vnd fülen/ vnd derhalb blind  
vnd verzagt sind/ Der sol man sich mit allem  
ernst annemen/ mit inen aus der Schrift reden  
vnd trösten/ dem exempel Christi nach/ der mit  
seinen Jüngern/ die verzagt vnd erschrocken  
waren/ so vmbgehet zc. An den vnbusfertigen  
vnd verstockten Sundern aber ist alles straffen  
vnd vermanen verloren/ Denn wenn man inen  
schon lange dreyet mit Gottes zorn vnd ge-  
richt/ so erschrecken sie dafür nichts/ So kön-  
nen sie der gnade auch nicht begeren/ denn sie  
fülen ire sünde/ not vnd jamer nicht. Darumb  
schaffet die predigt weder von zorn noch gna-  
de bey inen keine frucht/ Sondern gehen inier  
dahin blind vnd verstockt in jr abgötterey/ ke-  
tzerey/ Vnglauben/ Doffart/ Geitz/ vnd andern  
sünden/ Bis so lang der donner vnd blitz sie dar-  
nider schlecht/ das ist/ der Streckenbein kömpt/  
da etliche (den Gott wol wil) zum creutz kriech-  
en/ vnd gnade begeren zc. Sonst bleibts wol  
dabey/ wie Christus sagt/ das das Euangeli-  
um den Armen/ das ist/ den elenden betrübt-  
hertzen gehöret/ Die Christus anderswo geist-  
lich arm nennet.

Zu letzte wird vns in S. Thoma auch  
angezeigt die Krafft der Auferstehung Chri-  
sti. Droben habt jr gehört/ wie er so fest  
vnd gleich halstarrig ist im vnglauben/ das/  
ob gleich die andern Jünger semplich bezeu-  
gen/wie

gen/wie sie haben den Herrn gesehen auffers  
standen/dennoch ers schlecht nicht glauben  
wil. Es scheint das er ein feiner dapfferer  
Man sey gewesen/der die sach wol bedacht ha  
be/ das er nicht wil bald den andern glauben.  
Denn er hatte gesehen/das der Herr erst für  
dreien tagen ans Creutz geschlagen/ vnd jm die  
Negel beide durch hende vnd füsse gangen/vnd  
das Spehr in seine seiten gestochen war. Das  
hatte er jm so feste ein gebildet/das ers schlecht  
für nichts helt / was jm die andern sagen / Er  
sey aufferstand.

Darumb spricht er gleich trötzlich / Es  
sey denn / das ich in seinen Wenden sehe die  
Negelmal / vnd lege meine Wende in seine Sei  
ten / so wil ichs nicht glauben. Macht also eine  
starcke Dyperbolen / das er den augen allein  
nicht glauben wil / sondern mit Wenden auch  
fülen vnd tappen. Als wolt er sagen / Es sol  
michs niemand bereden / das ichs glenbe /  
Sondern wil so fest auff dem Nein stehen / das  
ichs auch nicht glauben wil / ob ichs gleich se  
he / wie jr sagt / das jr in gesehen habt. Sol ichs  
aber glauben / so mus er mir so nahe komen / das  
wens möglich were / ich jm die Seele möcht  
anrüren / vnd in die Augen greiffen. Als solt er  
sagen / Singet vnd saget was jr wollet / Ich  
kan vnd wil es schlecht nicht glenben / Denn es  
ist vnmöglich &c.

Das heisse

Das heisset je seer hart vnd steiff im vnglan-  
ben gesteckt. Vnd ist wunder / was er damit  
meinet / das er gleich ein vngereimts furgibt /  
seine Hand vnd Finger in die Löcher der wun-  
den zu legen. Denn so klug solt er je sein / das er  
bedacht hette / So Christus wider lebendig /  
den Tod vberwunden / vnd aller wunden von  
der geisselung vnd dörnen Kron los were / Das  
er ja auch die funff Wunden würde geheilet  
vnd abgethan haben.

Na das ist vns zum Exempel vnd trost  
geschehen / das die hohen Apostel auch müssen  
feilen vnd straucheln. Aber mehr dienet es da  
zu ( wie ich angefangen zusagen ) das die Auff-  
erhebung des Herrn nicht allein gewislich er-  
zeigt vnd bezeugt werde / durch diesen vngleubi-  
gen vnd halstarrigen Thomam / der bis an den  
achten tag in solchem vnglauben verhartet vnd  
schier gar erstarrt ligt. Sondern das auch die  
Krafft der selbigen erkand werde / vnd vns zu  
nutze köme. Wie an diesem Thoma zusehen / der  
dadurch aus dem vnglauben zu glauben / vnd  
aus dem zweifel zu gewissem erkentnis / vnd  
herrlichem schönen bekentnis gebracht wird.

Das gehet nu so zu / wie der Euangelist  
Johannes schreibt. Christus kömpt am ach-  
ten tage / nach seiner Auferstehung / als heute  
am abent / vnd spricht zu jm / Thoma / reiche  
deiner

deinen Finger her / vnd sihe meine Wunde / Vnd  
reiche deine Hand her / vnd lege sie in meine  
Seiten. Nemet jm so weit ein / das er nicht al-  
lein sehe / wie die andern / sondern auch gewis  
greiffe vnd füle / wie er gesagt hatte / Es sey  
denn / das ich in seinen Wunden sehe &c. Vnd  
spricht dazu / Sey nicht vnglaubig / sondern  
glaubig.

Da sihestu / das es Christus nicht bey der  
Geschicht lefft bleiben / sondern darumb ist's jm  
zu thun / das Thomas nur glaubig / vnd auch  
ein Aufersteher von seinem halstarrigen vn-  
glauben / vnd sünde werde. Wie es denn auch  
gewaltiglich folget / das S. Thomas bald an-  
fehbet / vnd spricht zu Christo / **MEIN  
GOTT VND MEIN GOTT.** Da ist er be-  
reit ein ander Man / nicht der alte Thomas Di-  
dymus (welches Zwilling auff deudsch heis-  
set / nicht ein Zweiner / wie man aus diesem  
Text gedeutet hat / aber mit vnuerstand) wie  
newlich zuuor / da er so gar erstarrt vnd erstor-  
ben war im vnglauben / das er auch nicht wolt  
glauben / er legte denn die Finger in seine Wun-  
den.

Sondern hebt plötzlich an / ein solch herr-  
lich Bekenntnis vnd Predigt zu thun / von Chri-  
sto / der gleichen der Apostel keiner / zu der zeit /  
noch gepredigt hette / nemlich / Das die Pers-  
son die auferstanden / sey warer Gott vnd  
Mensch. Denn es ist ein trefflich wort / das er  
sagt /

sagt / **MEIN WER** VND **MEIN**  
**GOTT**. Er ist nicht truncken / redet auch aus  
keim schimpff oder schertz / So meinet er auch  
nicht einen falschen Gott / Drumb leuget er ge  
wislich nicht. Auch wird er hierin von Christo  
nicht gesiraft / Sondern sein glaube bestetigt /  
vnd mus warheit vnd ernst sein.

Das ist nu die krafft der Auferstehung  
Christi / das **S. Thomas** / der so tieff vnd ersto  
ckt / fur alle ander im vnglauben war / so plötz  
lich verwandelt / gar ein ander Man wird / der  
da nu frey eraus bekennet / das er nicht allein  
glenbe / das Christus auferstanden sey / Son  
dern also erleucht wird er / durch die krafft der  
auferstehung Christi / das er nu auch gewis  
glenbt vnd bekennet / das Er / sein **WErr** / war  
Gott vnd Mensch sey / Durch welchen / wie er  
itzt vom vnglauben / aller sünden Heuptquel /  
auferstanden ist / er auch am Jüngstentage auf  
ferstehen werde vom Tod / vnd mit im / in vn  
ansprechlicher vnd herrlicher seligkeit ewig le  
ben. Doch nicht allein er / sondern auch alle die  
solches glauben. Wie Christus selbs weiter zu  
im sagt / **Thoma** dieweil du gesehen hast / so  
glenbestu. Selig sind die nicht sehen / vnd doch  
glauben. Dienon were viel zu sagen / Aber  
die zeit leidets itzt nicht.

Zu letzt das er seine Finger in die Wunden  
legt /

N

legt/wil ich nicht anfechten/das Christus nach  
der aufferstehung die Wunden oder Negelmal  
habe behalten/Doch so fern/das solchs nicht  
sehenslich sehe / wie sonst / sondern tröstlich.  
Es mag sein/das er die Narben von seinem Lei  
den/in Wunden/Füssen vnd Seiten habe behal  
ten/ Aber ob sie noch frisch/ offen vnd rott sol  
ten gewesen sein/wie die Maler malen/ lasse ich  
andere örtern. Sonst ist's seer fein / das für  
gebildet werde/für den gemeinen Man/das er  
ein gedechtnis vnd Bilde habe/das in erinnere  
vnd vermane/des Leidens vnd der Wunden  
Christi. Es kan wol sein/wie ich gesagt/das  
er die Zeichen oder mal behalten habe/die viel  
leicht viel schöner vnd herrlicher am Jüngsten  
tage leuchten werden/denn sein gantzer Leib/  
vnd er sie für aller welt zeigen/Wie die Schrifft  
sagt. Sie werden den sehen/welchen sie zu  
stochen haben/Aber das befel ich eines jglic  
hen andacht zu bedencken.

Das ist aber das Deubtstück in diesem  
Euangelio/das wir glauben/das die Auffers  
tehung Christi vnser sey / vnd in vns wircke/  
das wir beide von der sünde vnd tod sollen auff  
erstehen/Wie S. Paulus reichlich vnd tröstlich  
danon redet. Eph. 2. vnd Christus selbs hie/da  
er spricht/Selig sind die nicht sehen / vnd doch  
glauben.

Dazu helffe vns vnser Lieber Herr Chri  
stus Ihesus/der vom Tod aufferstande/ sitz  
nu zur

nu zur Rechten des Vaters / ein ewiger König  
vnd Hohepriester / deren / so an in glauben vnd  
in bekennen. Welchem sey / sampt dem  
Vater vnd heiligem Geist / Lob ehr  
vnd preis in ewigkeit / Amen /  
A M E N.

### Correctur.

B. 2. auff der andern seiten / in der 19. zeile /  
liese / dem künfftigen zorn / das ist / solcher grenli  
cher straffe / vnd ewigem verdammnis entrinnen.

B. 3. auff der ersten seiten / in der 3. zeile /  
vom ende / liese / wolle / die allergeringste sünde  
solt wegnemen / denn

D. 3. auff der ersten seiten / in der 3. zeile /  
liese / zwar wol

J. 4. auff der ersten seiten / in der 19. zeile /  
liese / Tu ist der Pfarher zc.

Bedruckt zu Wittenberg  
durch Nickel  
Schirlentz.

M. D. XLI.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.